

1627

57

D

50



M

Ex Bibliotheca
majori Coll. Rom.
Societ. Jesu

54. 4. 38

54

D

50

Barthélemy Pierre

APOSTOLICÆ

S E D I S

DEFINITIONES

VETERES, DE

GRATIA DEI.

Secunda editio, Plurimum aucta

COLLECTORE

BARTHOLOMÆO PETRO LINTREN.
S. Theol. Doct. & in Acad. Duacen.
Regio Professore.

Biblioth.

Coll.

Loc.

Secr.

Rom.

Sept.



Legato

DVACI,

Typis LAVRENTII KELLAMI,

sub signo Agni Paschalis,

MDC. XXVII

Mon. Carini



APPROBATIO.

Opusculum, cui titulus, APOSTOLICÆ SEDIS
DEFINITIONES VETERES DE GRATIA DEI; hac
secunda editione plurimum auctum, solidasque ad præ-
dictas definitiones notas continens, ab eximio D. M.
N. BARTHOLOMÆO PETRI LINTRENSI S. T.
D. ac Regio Professore primario concinnatum
accuratè legi, dignumque reperi quod à Theologis
diligenter legatur; cum & antiquitati & veritati
multum lucis adferat in commendationem gratiæ Dei.
Quapropter expedire iudico ut recudatur. Datum
Pnaci die 3. April. An. 1627.

FRANCISCVS SILVIUS S. T.
D. & Regius Professor, Insig-
nis Ecclesiæ S. Amati Decanus.



S. CÆLESTINI
PAPÆ PRO B. AVGV-
STINO, ET DE GRATIA
DEI, EPISTOLA AD GALLIA-
RVM EPISCOPOS.



LECTISSIMIS fratribus Vene-
rio, Mario, Leontio, Auxonio,
Arcadio, Philtatio, & cæteris
Galliæ Episcopis Cælestinus
Episcopus. Apostolici verba 1. Cor.
præcepti sunt: Apud Iudæos 10.

atque gentiles sine offensione nos esse debere.
Hoc quisquis Christianus est, tota animi virtu-
te custodit. Quod cum ita sit, non parum peri-
culi illum manere poterit ante Deum, qui hoc
detractat etiam fidelibus exhibere. Nam qua-
liter nos, qui neminem perire volumus, ista
contristent, quæ authoribus Christianis per-
cellunt animos Christianos; dominicus in E- Mat. 18.
uangelio sermo testatur. Ait enim ipse Salua-
tor, quod expediat scandalizanti vnum de
pusillis, in maris profunda demergi. Et ideo
quæ sit eius iam poena quæramus, cui tale sup-
plicium legimus expedire.

CAPVT PRIMVM.

FILII nostri præsentēs Prosper & Hilarius, quorū circa Deum nostrum sollicitudo laudanda est, tantum nescio quibus presbyteris inlicere, qui dissensionī Ecclesiarum studē-
 2. Tim. ant, sunt apud nos persecuti, vt indisciplinatas
 2, 23. quæstiones vocantes in medium, pertinaciter eos dicant prædicare aduersantia veritati. Sed
 Luc. 6. vestræ dilectioni iustius imputamus, quando illi supra vos habent copiam disputandi. Legimus supra magistrum non esse discipulum; hoc est, non sibi debere quemquam ad iniuriam Doctorum vendicare doctrinam. Nam & hos ipsos à Deo nostro positos nouimus ad docendum; cum sit, dicente Apostolo, eis tertius locus intra Ecclesiam deputandus. Quid illic spei est, vbi magistris tacentibus, hi loquuntur qui, si ita est, discipuli non fuerunt? Timeo ne con-
 Quære notati- ones. 1. Cor. 12. nuere sit hoc tacere: timeo ne magis ipsi loquantur, qui permittunt illis taliter loqui. In talib⁹ causis non caret suspicio taciturnitas; quia occurreret veritas, si falsitas displiceret. Merito namque causa nos respicit, si silentio foueamus errorem. Ergo corripiantur huiusmodi; non sit his liberum habere pro voluntate sermonem: desinat, si ita res sunt, incessere nouitas vetustatem; desinat Ecclesiarum quietem inquietudo turbare. Conantur sæpe naufragio mergere, quos intra portum stantes statio facit fida securos. Fida quippe est omniū statio, quo-
 Quære not. rum

rum perfectis gressibus vestigia non mouentur. Recurrerunt ad Apostolicam prædicti sedem; hæc ipsa nobis quæ tentat perturbatio, conquirentes. Habetote, fratres charissimi, pro catholice plebis pace tractatum: sciant se, si tamen censentur presbyterij dignitate, vobis esse subiectos: sciant omnes qui malè docent, quod sibi magis discere competat, quàm docere. Nam quid in Ecclesijs vos agitis, si illi summam teneant prædicandi? Nisi fortè illud obsistat (quod non autoritate, non adhuc ratione colligitur) Q. n. vt aliqui è fratrum numero, nuper de laicorum consortio in collegium nostrum fortassis admissi, nesciant quid sibi debeant vindicare. Super his multa iam dicta sunt eo tempore, quo ad fratris Tuentij dedimus scripta responsum; nunc tamen repetentes, sapius admonemus vt Q. n. vetentur huiusmodi, qui laborant per terras aliud quàm ille noster iussit agricola, seminare. Nec tamen mirari possumus si hæc erga viuentes hi nunc tentare audent; qui nituntur etiam quiescentium fratrum memoriam dissipare. Q. n.

CAPVT II.

AVGVSTINVM sanctæ recordationis virum, pro vita sua atque meritis, in nostra communione semper habuimus: nec vnquam hunc sinistra suspicionis saltem rumor aspersit; quem tantæ scientiæ olim fuisse meminimus, vt inter Magistros optimos, etiam à meis semper decessoribus haberetur. Bene ergo de eo omnes Q. n.
in

commune senserunt; utpote qui ubique cunctis & amoris fuerit, & honori. Vnde resistendum talibus, quos malè crescere videmus. Ne fas est hæc pati religiosas animas; quarum afflictione, quia membra nostra sunt, nos quoque conuenit macerari: quamuis maneat hos beatitudo promissa, quicumque probantur persecutionem propter iustitiã sustinere. quibus, quid promittat dominus in futurum, sequens sermo declarat. Non est agentium causa solorum: Matt. 5. c. n. vniuersalis Ecclesia quacunque nouitate pulsatur. Intelligamus hæc ipsa vobis, quæ nobis non placent, displicere. Quod ita demum probare poterimus, si imposito improbis silentio, de tali re in posterum querela cessauerit. Deus vos incolumes custodiat fratres charissimi.

Sedis Apostolica Episcoporum auctoritates de gratia Dei.

CAPVT III.

c. n. **Q**UIA nonnulli qui catholico nomine gloriantur, in damnatis autem hæreticorum sensibus seu prauitate siue imperitia demorantes, pijsissimis disputatoribus obuiare præsumunt; & cum Pelagium atque Cœlestium anathematizare non dubitent, Magistris tamen nostris, tanquam necessarium modum exceßerint, obloquuntur; eaque tantummodo sequi & probare profitentur, quæ sacratissima beati Apostoli

Petri sedes, contra inimicos gratiæ Dei, per ministerium præsulum suorum sanxit & docuit: necessarium fuit diligenter inquirere, quid Rectores Romanæ Ecclesiæ de hæresi, quæ eorum temporibus exorta fuerat, iudicarent; & contra nocētissimos liberi arbitrij defensores quid de gratia Dei sentiendum esse censuerint; ita ut etiam Africanorum conciliorum quasdam sententias iungeremus, quas utique suas fecerunt apostolici antistites, dum illas comprobarent. Vt ergo plenius, qui in aliquo dubitant, instruantur; constitutiones sanctorum patrum compendioso manifestamus indiculo, quo, si quis non nimium est contentiosus, agnoscat omnium disputationum connexionem ex hac subditarum autoritatum breuitate pendere, nullamque sibi contradictionis superesse rationem, si cum catholicis credat & dicat.

Q. n.

Q. n.

Infra, c.
8. & 10.

Q. n.

CAPUT III.

IN præuaricatione Adæ omnes homines naturalem possibilitatem, & innocentiam perdidisse: & neminem de profundo illius ruinæ per liberum arbitrium posse consurgere, nisi eum gratia Dei miserentis erexerit: pronunciante beatæ memoriæ Papa Innocentio, atque dicente in epistola ad Carthaginense concilium, Liberum enim arbitrium ille perperessus, dum suis inconsultius utitur bonis, cadens in præuaricationis profunda, demersus est: & nihil, quemadmodum exinde surgere posset, invenit.

Q. n.

Q. n.
Inno-
centio

uenerit

uenit; suaque in æternum, libertate deceptus, ruina iacuiſſet oppreſſus, niſi eum poſt Chriſti pro ſua gratia releuaſſet aduentus; qui per nouæ regenerationis purificationem omne præteritum vitium ſui baptiſmatis lauacro purgauit.

CAPVT V.

Idem.

Idem.

NEMINEM eſſe per ſemetipſum bonum; niſi participationem ſui ille donet, qui ſolus eſt bonus. Quod in eiſdēcriptis, eiſdem pontificiſ ſentētia proteſtatur, dicens. Nā quid nos de eorum poſthac rectum mentibus eſtimemus, qui ſibi ſe putant debere quod boni ſunt, nec illum conſiderant cuius quotidie gratiam conſequuntur, qui ſine illo tantum ſe adſequi poſſe conſidunt?

CAPVT VI.

Idem.

NEMINEM, etiam baptiſmatis gratia renouatum, idoneum eſſe ad ſuperandas diaboli inſidias, & ad euincendas carnis concupiſcentias; niſi per quotidianum adiutorium Dei, perſeuerantiam bonæ conuerſationis acceperit. quod eiſdem antiſtitis in iſſdem paginis doctrina confirmat, dicens: Nam quamuis hominem redemerit à præteritis ille peccatis: tamen ſciens illum iterum poſſe peccare, ad reparationem ſibi, quemadmodum poſſet illum & poſt iſta corrigere, multa ſeruauit, atque quotidiana

quotidiana præstat ille remedia, quibus nisi freti, confisiquenitamur; nullatenus humanos vincere poterimus errores. Necesse est enim, Q. n. ut quo auxiliante vincimus, eo iterum non adiuuante vincamur.

CAPVT VII.

QUOD nemo, nisi per Christum, libero bene utatur arbitrio, idem Magister in Idem. epistola ad Mileuitanum concilium data præ- Q. n. dicat, dicens: Aduerte tandem, ô prauissima- rum mentium peruersa doctrina, quod primū hominem ita libertas ipsa decepit, ut dum in- dulgentiūs frenis eius utitur, in præuaricationem præsumptione concideret: nec ex hac potuit erui, nisi ei prouidentia regenerationis statum pristinæ libertatis Christi domini reformasset aduentus.

CAPVT VIII.

QUOD omnia studia, & omnia opera ac merita sanctorum ad Dei gloriam laudemque referenda sint, quia nemo aliunde ei placeat, nisi ex eo quod ipse donauerit. In quā nos sententiam dirigit beatæ recordationis Pæpæ Zosimi regularis autoritas, cum scribens ad totius orbis Episcopos ait: Nos autem in- Q. n. stinctu Dei (omnia enim bona ad authorem zosimus suum referenda sunt, vnde nascuntur) ad fra- PP. trum & coëpiscoporum nostrorum conscientia vniuersa retulimus. Hunc autem sermonē synce-

n. **A**fri Episcopi honore venerati sunt, ut ita ad eundem virum scriberent. Illud verò quod in literis, quas in vniuersas Prouincias curasti esse mittendas, posuisti dicens, Nos tamen instinctu Dei, &c. sic accepimus dictum, ut illos qui contra Dei adiutorium extollunt humani arbitrij libertatem, districto gladio veritatis, velut cursim transiens, amputares. Quid enim tam libero fecisti arbitrio, quàm quod vniuersa in nostræ humilitatis conscientiam retulisti; & tamen instinctu Dei factum esse, fideliter sapienterque vidisti, veraciter, fidenterque dixisti. Ideo utique, quia præparatur voluntas à domino; & ut boni aliquid agant, paternis inspirationibus suorum ipse tangit corda fidelium. Quotquot enim spiritu Dei aguntur, hi filij Dei sunt ut nec nostrum deesse sentiamus arbitrium, & in bonis quibusque voluntatis humanæ singulis motibus magis illius valere non dubitemus auxilium.

CAPVT IX.

QUOD ita Deus in cordibus hominum, atque in ipso libero operetur arbitrio, ut sancta cogitatio, pium consilium, omnisque motus bonæ voluntatis ex Deo sit: quia per illum aliquid boni possumus, sine quo nihil possumus. Ad hanc enim nos professionem idem Doctor instituit; qui, cum ad totius orbis Episcopos de diuinæ gratiæ opitulatione loque-

loqueretur, Quod ergo, ait, tempus interuenit quo eius non egeamus auxilio? In omnibus igitur actibus, causisque, cogitationibus, moribus, adiutor & protector orandus est. Superbum est enim ut quicquam sibi humana natura præsumat; clamante Apostolo, Non est nobis colluctatio aduersus carnem & sanguinem, sed contra principes, & potestates aeris huius, contra spiritalia nequitiæ in cœlestibus. Et sicut ipse iterum dicit, Infelix ego homo; quis me liberabit de corpore mortis huius? Gratia Dei per Iesum Christum dominum nostrum. Et iterum, Gratia Dei sum id quod sum; & gratia eius in me vacua non fuit, sed plus illis omnibus laboraui, non ego autem, sed gratia Dei mecum.

Ephes.

6.

Rom 7.

1. Cor.

15.

CAPVT X.

ILLVD etiam, quod intra Carthaginensis synodi decreta constitutum est, quasi propriū apostolicæ sedis amplectimur; quod scilicet tertio capitulo definitum est, ut quicumque dixerit gratiam Dei qua iustificamur per Iesum Christum dominum nostrum, ad solam remissionem peccatorum valere quæ iam commissa sunt; non etiam ad adiutorium; ut non committantur: anathema sit. Et iterum quarto capitulo, Ut quisquis dixerit, gratiam Dei per Iesum Christum propter hoc tantum nos adiuuare ad non peccandum, quia per ipsum nobis reuelatur & aperitur intelligentia mandatorum,

Q. n.

Concil.

Cartag.

Canon

3. a sede

apost.

cōfirm.

Item

Canon

4.

vt

ut sciamus quid appetere, aut quid vitare debeamus; non autem per illam nobis præstari ut quod faciendum cognouimus, etiam facere diligamus atque valeamus: anathema sit. Cum enim dicat apostolus, Scientia inflat, charitas verò ædificat: valde impium est, ut credamus ad eam quæ inflat, nos habere gratiam Christi; & ad eam quæ ædificat, non habere: cum sit vtrumque donum Dei, & scire quid facere debeamus, & diligere ut faciamus; ut ædificante charitate scientia non possit inflare. Sicut autem de Deo scriptum est: Qui docet hominem scientiam: ita etiam scriptum est, Charitas ex Deo est. In quinto capitulo, Ut quisquis dixerit, ideo nobis gratiam iustificationis dari, ut quod facere per liberum iubemur arbitrium, facilius possimus implere per gratiam; tanquam si gratia non daretur, non quidem facile, sed tamen possimus etiam sine illa implere diuina mandata: anathema sit. De fructibus enim mandatorum dominus loquebatur; ubi non ait, Sine me difficilius potestis facere: sed ait, Sine me nihil potestis facere.

Psa. 93.

1. Ioa.

4. Item

quintus.

n.

Ioa. 13.

CAPVT XI.

Solus
Celesti-
nus lo-
quitur
de in-
ceps.

PRÆTER beatissimæ & apostolicæ sedis inuiolabiles sanctiones, quibus nos pijsimi patres, pestifera nouitatis elatione deiecta, & bonæ voluntatis exordia, & incrementa probabilium studiorum, & in eis usque in finem perseuerantiam, ad Christi gratiam referre docuerunt

cuerunt: obsecrationum quoque sacerdotalium sacramenta respiciamus. quæ ab Apostolis tradita in toto mundo atque in omni catholica ecclesia vniformiter celebrantur; vt legem credendi lex statuat supplicandi. Cum enim sanctarum plebium præfules mandata sibi met legatione fungantur apud diuinam clementiam; humani generis agunt causam, & tota secum ecclesia congemiscente postulât & precantur, vt infidelib⁹ donetur fides, vt idololatraz ab impietatis suæ liberetur erroribus, vt Iudeis ablato cordis velamine lux veritatis appareat, vt hæretici catholicæ fidei perceptione resipiscant, vt schismatici spiritum rediuiuæ charitatis accipiant, vt lapsis pœnitentiæ remedia conferantur, vt denique cathecumenis ad regenerationis sacramenta perductis cœlestis misericordiæ aula referetur. Hæc autem non perfunctoriæ neque inaniter à domino peti, rerum ipsarum monstrat effectus: quandoquidem ex omni errorum genere plurimos Deus dignatur attrahere, quos erytos de potestate tenebrarum trāsferrat in regnum filij charitatis suæ; & ex vasis iræ, faciat vasa misericordiæ. Quod adeo totum diuini operis esse sentitur; vt hæc efficienti Deo gratiarum semper actio, laudisque confessio, pro illuminatione talium, vel correctione, referatur.

CAPUT

Colof.
i. Rom.
9.

CAPVT. XII.

Sumit
hec ver-
ba B.
Caesti-
nus ex
S. Fabia-
ni epist.
2. c. 1.

Ioa. 12.
Mat. 12.
Marc. 3.
Psa. 67.

Cōclu-
sio ref-
ponit ad
Tuenti-
um epist.
copiam.
¶ n.

Idem
dixerat
S. Cypr.
epist.
77. alias
3. 25.

IEVV etiam quod circa baptizandos in
vniuerso mundo sancta Ecclesia vniformi-
ter agit; non ocioso contemblemur intuitu.
Cuni siue paruuli, siue iuuenes ad regeneratio-
nis veniunt sacramentum; non prius fontem
vitę adeunt quàm exorcismis, & exufflationi-
bus clericorum spiritus ab eis immundus abri-
gatur: vt tunc verè appareat quomodo princeps
mundi huius mittatur foras; & quomodo prius
alligetur fortis, & deinceps vasa eius diripian-
tur; in possessionem translata victoris, qui
captiuam ducit captiuitatem, & dat dona ho-
minibus.

His ergo ecclesiasticis regulis, & ex diuina
sumptis authoritate documentis, ita adiuuante
Domino conformati sumus; vt omnium bono-
rum affectuum atque operum, & omnium stu-
diorum, omniumque virtutum, quibus ab ini-
tio fidei, attenditur, Deum profiteamur autho-
rem: & non dubitemus ab ipsius gratia omnia
hominis merita pręueniri, per quem fit vt ali-
quid boni & velle incipiamus & facere. Quo v-
trique auxilio & munere Dei non aufertur libe-
rum arbitrium, sed liberatur; vt de tenebroso
lucidum, de prauo rectum, de languido sanum,
de imprudente sit prouidum. Tanta enim est
erga omnes homines bonitas Dei, vt nostra ve-
lit esse merita, quę sunt ipsius dona; & pro his
que largitus est, æterna pręmia sit donaturus.

Agit

Agit quippe in nobis, vt, quod vult, & velimus
& agamus: nec ociosa esse in nobis patitur, quę
exercenda, non negligenda donauit; vt & nos
cooperatores simus gratiæ Dei, ac si quid in no-
bis ex nostra viderimus remissione languescere,
ad illum sollicitè recurramus, qui sanat omnes Pf. 10. 1.
languores nostros, & redimit de interitu vitam
nostram; & cui quotidie dicimus, Ne inducas
nos in tentationem, sed libera nos a malo. Mat. 6.

CAPVT XIII.

PROFVNDIORES VERO difficilioreſque
partes incurrentium quęſtionum, quas la-
tius pertractarunt qui hæreticis reſtiterunt; ſi-
cut non audemus contemnere, ita non necelle
habemus aſtruere. Quia ad conſtitendam gratia Qu.
Dei, cuius operi ac dignationi nihil penitus
ſubtrahendū eſt, ſatis ſufficere credimus quic-
quid, ſecundum prædictas regulas, Apoſtolica
ſedis nos ſcripta docuerunt: vt prorſus non o-
pinemur Catholicum, quod apparuerit præfixis
ſententijs eſſe contrarium.

B. CÆLESTINVS

EPISTOLÆ SVPERIORIS

CAP. 3.

hæc ait;

QUIA nonnulli qui Catholico nomine glo-
riantur, in damnatis autem hæreticorum
ſenſibus

sensibus seu prauitate siue imperitia demorantur; eaque tantummodo sequi & probare profitentur quæ sacratissima beati Apostoli Petri sedes, contra inimicos gratiæ Dei, per ministerium præsulum suorum sanxit & docuit: necessarium fuit diligenter inquirere quid Rectores Romanæ Ecclesiæ de hæresi quæ eorum temporibus exorta fuerat, iudicarent: & contra nocentissimos liberi arbitrij defensores quid de gratia Dei sentiendum esse censuerint. Et mox, Vt ergo plenius qui in aliquo dubitāt, instruantur; Constitutiones sanctorum Patrum compendioso manifestamus indiculo, quo, si quis non nimium est contentiosus, agnoscat omnium disputationum connexionem ex hac subditarum autoritatum breuitate pendere; nullamque sibi contradictionis superesse rationem, si cum Catholicis credat & dicat, In preuaricatione Adæ &c. Subnectit autem sententias Innocentij primi, & Zosimi papæ aduersus hæresim Pelagij prolatas; deinde suam ipsius definitionem ex B. Petri cathedra pronuntiat, quam ita concludit vt dicat se prorsus non opinari catholicum quod apparuerit prefixis sententijs esse contrarium.

Est verò opere precium, & huic B. Cælestini studio valde conforme, si nos aliquot aliorum summorum Pontificum ex cathedra loquentium sententias quibus hæresis Pelagiana damnetur, suo ordine hoc loco recenseamus, & quibus modis omnem illius hæreseos vafriem detexerint, aperiamus; quantumque in ea profliganda

figanda laborarint, vt quę fundamenta ipsa
subuertat christianę religionis.

Pontifices de quibus agimus sunt hi:

- | | | |
|--------------------------|---|--------------------|
| 1. S. INNOCENTIUS. | } | 6. S. LEO. 1. |
| 2. S. ZOSIMVS. | | 7. S. GELASIUS. 1. |
| 3. S. BONIFACIUS. | | 8. S. HORMISDA. |
| 4. S. CÆLESTINVS. | } | 9. S. FELIX. 4. |
| 5. S. XYSTVS. | | 10. IOANNES. 2. |
| 11. S. GREGORIUS MAGNVS. | | |

Quid aduersus pelagianos & semipelagianos egerint Innocentius & Zosimus, ex Cælestini epistola capite 4. 5. 6. 7. 8. 9. manifestum est: & a B. Prospero paucis verbis Contra Collokatorem c. 41. ita comprehenditur: Non cum istis (fouentibus reliquias Pelagianismi) noua acie dimicandum est, nec quasi contra ignotos hostes specialia sunt ineunda certamina: tunc istorum machinæ fractę sunt, tunc in superbię socijs ac principibus corruerunt, quando beata memorię Innocentius nefandi erroris capita apostolico mucrone percussit; quando Africanorum Conciliorum decretis beate recordationis Papa Zosimus sententię suę robur annexuit, & ad impiorum detruncationem gladio Petri dexteris omnium armauit antistitem.

Quid

Quid Bonifacius primus aduersus Pelagianismum.

Prosper eodem illo 41. capite: Tunc istorum machina fracta sunt, tunc in superbia socijs ac principibus corruerunt, quando sancta memorie Papa Bonifacius piissimorum Imperatorum catholica deuotione gaudebat, & contra inimicos gratia Dei non solum apostolicis, sed etiam regijs utebatur edictis.

Hoc idcirco Prosper dicit quod semel iterumque in Pelagianos exilij poenam statuerunt Catholici Imperatores Honorius & Theodosius: prius quidem sub Pontificatu Zosimi, anno Christi 418. pridie Kalendas Maias; iterum vero sub pontificatu Bonifacij, anno Domini 419. quinto Idus Iunias, ut est illis annis videre apud Baronium Tomo 5.

Addit eodem loco Prosper de sancto Bonifacio Papa quod cum esset ipse doctissimus, aduersus libros tamen Pelagianorum beati Augustini episcopi responsa poscebat. Intelligit Prosper ea quae S. Augustinus scripsit contra duas epistolas Pelagianorum, libris quatuor, quos ad hunc Pontificem misit. Ex his patet quanta diligentia usus sit hic sanctus Bonifacius, ne iam ab Innocentio & Zosimo damnata heresis Pelagiana, uspiam serperet.

Patet item necessitatem magnam fuisse implorandi auxilium catholicorum Imperatorum aduersus

aduersus Pelagianos, arrogatissimos & decreta Romanorum Pontificum Innocentij & Zosimi Baroni
nihili facientes. 454. 6.

Quid aduersus Pelagianismum S. Cælestinus.

Id magna parte liquet ex eius epistola ad Galliarum Episcopos data; cui annotationes subiecimus: sed præterea hic vir est qui anno Christi 429. sanctum Germanum Antissiodorensen episcopum (cui Synodus Gallicana addidit sanctum Lupum episcopum Trecesen) in Britanniam misit ut vice sua eam a Pelagianismo liberaret. Qua de re ita B. Prosper in Chronico, Consulibus Florentio & Dionysio, Agricola (inquit) Pelagianus Seueriani Pelagianepiscopi filius, ecclesias Britanniae dogmatis sui insinuatione corrumpit: sed Papa Cælestinus Germanum Antissiodorensen episcopum vice sua mittit, ut deturbatis hæreticis Britannos ad catholicam fidem dirigat. Hæc Prosper in Chronico: Et contra Collatorem c. 41. de hoc Cælestino Pontifice loquens, ait: Nec segniore cura ab hoc eodem morbo (Pelagianismo scilicet) Britannias liberauit, quando quosdam inimicos gratiæ, solum suæ originis occupantes (Britannus enim Pelagius multos suæ gentis in hæresim suam pellegerat) etiam ab illo secreto exclusit Oceani: & ordinato Scottis episcopo (Palladio videlicet) dum Roma-

nam insulam (id est, Britanniam) studet ser-
uare catholicam; fecit etiam barbaram (Sco-
tiam) christianam.

Hoc eodem Cælestino agente, hæresis Pela-
giana in Concilio Ephesino iterum est condem-
nata, anno Christi 431. sessione nona. Qua de
re idem Prosper in Chronico Cass. Anicio Bas-
so & Flauio Antiocho, ita habet; Congregatâ
apud Ephesum plus ducentorum Synodo sa-
cerdotum, Nestorius cum omni hæresi nominis
sui, & cum multis Pelagianis, qui cognatum si-
bi dogma iuuabant, damnatur. Pelagianos hæ-
resim Nestorianam vt cognatâ sibi, iuuisse, id-
circo ait Prosper, quia si liberum arbitrium sibi
ad salutem sufficit; non fuit opus Christum esse
Deum, sed esse hominem sanctum sufficiebat
qui exemplo vitæ sanctæ nos doceret & horta-
retur. Vnde idem Prosper Epitaphium Nestori-
anæ & Pelagianæ hæreseon ita auspicatur.

Nestoriana tuæ successi Pelagiana,

Quæ tamen est vtero progenerata meo:

Infelix misera genitrix & filia nata,

Prodiit ex ipso germine quod peperit.

Meminit condemnationis Cælestij atque Pe-
lagij in Ephesino Concilio factę B. Gregorius
libro 7. epistola 47. & epistola 14. libri quinti.
Vt ad Cælestinum redeamus, de ipso Prosper
cap. illo 41. contra Collatorem, etiam hæc ha-
bet: Venerabilis memoriæ pontifex Cælesti-
nus, cui ad catholicæ Ecclesiæ præsidium mul-
ta Dominus gratiæ suę dona largitus est; sciens
damnatis non examen iudicij, sed solum pœ-
nitentię

Confe-
rantur.
quæ di-
cimus
infra, v-
bi de
Grego-
rio

nitentiæ remedium esse præstandum: Cælestiū, quasi non discusso negotio audientiam postulantem, totius Italię finibus iussit extrudi; adeo & præcessorum suorum statuta & decreta synodalia inuiolabiliter seruanda censebat, vt quod semel meruerat abscindi, nequaquam admitteret retractari. Hæc Prosper. Denique idem Cælestinus ad Maximianum recens electum episcopum Constantinopolitanum, anno Christi 432, inter cætera ita loquitur contra Pelagianos; Locum impietas nouella non habeat; & compresso olim, per totum orbem sua datione noto, Cælestiano errori a tua vigilatia resistatur; vt quicumque huius dogmatis sunt sequaces, ab omni societate hominum repellantur. Obstat illis per te Spiritus sanctus; ne eorum impia prædicatio resurgat, obstitite eis: tanquam enim non illis sufficiat sententia toties repetita, longinquas terras remotasque prouincias inquietant: sed eos ille persequitur cuius fidem sua prauitate persequi nitebantur. Sed quo se abscondant, ad quas latebras confugiant, sua se impietate prodentes, inuenire non possunt.

*Sixtus tertius quid contra
Pelagianismum.*



Confidimus (ait Prosper contra Collat. in fine). Domini protectione præstandum vt quod operatus est in Innocentio, Zosimo, Bonifacio,

B₃

Cæle-

Celestino; operetur & in Xysto: & in custodia dominici gregis, hæc sit pars gloriæ huic reservata pastori, ut sicut illi lupos abegere manifestos, ita hic depellat occultos. Id quod ita factum fuisse, idem Prosper in Chronico, sub cons. Theodosio 17. & Festo; his verbis narrat: Hac tempestate Iulianus Atellanensis iactantissimus Pelagiani erroris assertor, quem dudum amissi episcopatus imtemperans cupiditate exagitabat, multimoda arte fallendi, correctionis speciem præ se ferens, molitus est in cōmunionē Ecclesiæ irrepere: sed ijs insidijs Sixtus Papa, diaconi Leonis hortatu, vigilantiter occurrens, nullum aditum pestiferis conatibus patere permisit; & ita omnes catholicos detectione fallacis bestię gaudere fecit, quasi tunc primum superbissimam hæresin Apostolicus gladius detruncasset.

Sub hoc eodem Sixto tertio Sanctus Germanus Antisidorensis episcopus mittitur secundo in Britanniam, adiuncto sibi sancto Severo Treuerensi episcopo, ad liberandum Britanniam ab hæresi Pelagiana, paucorum opera illic repullulante. Authores sceleris inuentos condemnant, & curant expelli ex insula. Scribit hæc Constantius Vita S. Germani libro 2. cap. 1. facta sunt anno Domini 435.

Denique & illud de hoc Sixto sciendum est quod anno Christi 418. cū aduersus Pelagium, & Celestium, in sacro Patrum confesso, Romę per Zosimum sententia lata esset; hic Sixtus tunc Romanus presbyter, primus omnium in eodē

eosdē palam inclamauerit anathema. Id quod ea de causa tunc fecit Sixtus, quod Pelagiani iniuriam hanc ei fecerant qua sparserant illum fauere Pelagianis. Discimus hoc ex S. Augustini epistola 105, quę est ad hunc Romanum presbyterum Sixtum; in cuius exordio sic scribit Augustinus: Quod fatendum est charitati tuę, tristes eramus nimis, cum fama iactaret inimicis gratię Christi te fauere: sed vt hæc tristitia de nostris cordibus tergeretur, primò, te priorem anathema eis in populo frequentissimo pronunciasse, eadem fama non tacuit. Deinde, cum literis Apostolicę sedis de illorum damnatione ad Africam missis, tuę quoque literę ad venerabilem senem Aurelium (Cartaginensem Episcopum) consecutę sunt; quę tametsi breues erant, tuum tamen vigorem aduersus eorū errorem satis indicabant. Hæc S. August.

Imo, non contentus Sixtus anathema publicē dixisse Pelagianis; scripto etiam prolixo illam Dei gratię inimicam heresim, confutauit: quod scriptum Beatus Augustinus eadem epistola 105 valde laudat, vt & epistola 104. Quid enim (ait) gratius legi vel audiri potest quam gratię Dei tam pura defensio aduersus inimicos eius, ex ore illius qui eorundem inimicorum magni momenti patronus antè iactabatur?

B. LEONIS

PRIMI, PAPÆ,

EPISTOLA 84. ALIAS 86.

*Leo Episcopus Roma Niceta
Aquileiensi Episcopo.*



RELATIONE sancti fratris & coëpiscopi nostri Septimij, quæ in subditis habetur, agnouimus quosdam presbyteros, diaconos, ac diuersi ordinis clericos quos Pelagiana siue Celestiana hæresis habuerit implicatos, ita in vestra pro-
 uincia ad communionem catholicam perue-
 hisse vt nulla ab eis damnatio proprij exigere-
 tur erroris ; & pastoralibus excubijs nimium
 Matt. 7. dormitantibus, lupus ouium pellibus tectus, in
 ouile dominicum, non depositis bestialibus ani-
 mis, introiret : & : quod per authoritatem ca-
 nonum, decretorumque nostrorum, ne inson-
 tibus quidem conceditur, vsurpare ; vt relictis
 ecclesijs in quibus Clericatum aut acceperant,
 au receperât instabilitate sua per diuersa circû-
 ferâtur, amantes sêper errare & nunquâ in fun-
 damento Apostolico permanere. Quoniam qui
 nullo discussi examine, nullo sunt præiudicio
 suæ

suæ professionis obstricti; hunc maximè expectunt fructum, vt sub velamento communionis, plures domos adeant, & per falsi nominis scientiam multorum corda corrumpant. Quod vtique efficere non possent; si Ecclesiarum Præsules necessariam diligentiam in talium receptione seruarent, nec cuiquam eorum euagari in diuersa licuisset.

¶ Ne ergo hoc vltèrius audeatur, nè per quorundam negligentiam introducta perniciēs, ad euersionem multarum tendat animarum; hac nostri auctoritate præcepti, industriae fraternitatis indicimus vt, congregata apud vos Synodo prouincialium Sacerdotum, omnes siue Presbyteri, siue Diaconi, siue cuiusque ordinis Clerici, qui de Pelagianorum Cælestianorumque consortio in communionem Catholicam ea imprudentia sunt recepti vt non prius ad damnationem sui coarctarentur erroris; nunc saltem posteaquam hypocrisis eorum ex quadam parte detegitur, ad veram correctionem, quæ & ipsis prodesse, & nullis possit nocere, cogantur. Damnent apertis professionibus sui superbi erroris authores; & quicquid in doctrina eorum vniuersalis Ecclesia exhorruit, detestentur: omniaque decreta Synodalia, quæ ad excisionem huius hæreseos apostolicæ Sedis cōfirmavit auctoritas, amplecti se, & in omnibus approbare, plenè & apertè, ac propria manu subscriptis protestationibus, eloquatur. Nihil in verbis eorū obscurum, nihil inueniatur abiguū; quoniā nouimus hanc istorū

Inf. c. 6.
CA. 2.

en

ca. 17

esse versutiam, ut in quacunque particula dogmatis execrandi se à damnatorum societate discreuerint, nihil sibi sensuum suorum existiment esse non saluum; Cumque omnes diffinitiones suas, ad subrependi facilitatem, improbare se simulent atque deponere, hoc sibi tota arte fallendi, nisi intelligantur, excipiunt, ut gratia Dei secundum meritum dari accipientium sentiatur.

¶ Quæ utique nisi gratis detur, non est gratia; sed merces retributioque meritorum, dicente beato Apostolo: Gratia salui facti estis per fidem, & hoc non ex vobis; Dei enim donum est. Non ex operibus; ne forte quis extollatur. Ipsi enim sumus figmentum, creati in Christo Iesu in operibus bonis, quæ præparauit Deus ut in illis ambulemus. Omnis itaque bonorum operum deuotio diuina præparatio est: nec propria quisquam iustificatur virtute; quoniam gratia vnicuique principium iustitiæ, & bonorum fons, atque origo meritorum est. Sed ab istis ideo per naturalem industriam dicitur præueniri; ut quæ ante gratiam proprio clara sit studio, nullo videatur peccati originalis vulnere sauciata: falsumque sit quod veritas ait, Quoniam filius hominis venit quærere & saluare quod perierat. Ideo etiam paruulos, dicunt, si sine baptismo hinc de seculo exierint, non posse damnari, neque reos in peccato Adæ teneri, sed ad regnum Dei vel ad vitam æternam sine ulla cunctatione venire; cum Apostolus dicat: Per vnum hominem peccatum intrauit

trauit in mundum, & per peccatum mors, & ita in omnes homines pertrāsijt. propter quod & ipsi paruuli baptizantur. Quamuis in illo vno possint intelligi plura peccata, si vnū ipsū in sua quasi membra singula diuidatur. Nam & superbia est illic; quia in sua homo potius esse, quàm in Dei potestate, dilexit: & sacrilegium; quia Deo non credidit: & homicidium; quia se precipitauit in mortem: & fornicatio spiritualis; quia integritas mentis humanæ serpentina suasionem corrupta est: & furtum; quia prohibitus vsurpatus est cibus: & auaritia; quia plus quàm sufficere illi debuit, appetiuit: & si quid aliud in hoc vno admissio diligenti consideratione poterit inueniri. ¶ Parentum quoque peccatis paruulos obligari, non solum primorum hominum, sed etiam suorum de quibus ipsi nati sunt; non improbabiler dicitur. Illa quippe sententia, Reddam peccata patrum in filios, tenet eos vtique, antequam per regenerationem ad testamentum nouum incipiant pertinere: quod testamentum prophetabatur, cum diceretur per Ezechielem, non accepturos filios peccata patrum suorum, nec vltius futuram in Israël parabolam illā, Patres manducauerunt vnam acerbam, & dentes filiorum obtupefcunt. Ideo enim quisque renascitur, vt soluatur in eo quicquid peccati est cū quo nascitur. Nam peccata quæ male agendo postea committuntur, possunt & pœnitendo sanari; sicut etiam post baptismum fieri videmus. Ac per hoc non est instituta regenera-
tio,

ca. 4.

q. n.

Exod.
10.Ezech.
18.

tio, nisi quia vitiosa est generatio; vsque adeo
 vt etiam de legitimo matrimonio procreatus,
 dicat: In iniquitatibus conceptus sum, & in
 peccatis mater mea in vtero me aluit. Neque
 hic dixit, in iniquitate, vel in peccato; cum
 hoc rectè dici posset; sed iniquitates & pecca-
 ta dicere maluit: quia & in illo vno, quod in
 omnes homines pertransiuit, quodque tam
 magnum est, vt eo mutaretur & conuerteretur
 in necessitatem mortis humana natura, sicut
 supra differui, reperiuntur plura peccata; &
 alia parentum, licet non possunt mutare natu-
 ram, reatu tamen obligant filios, nisi gratuita
 gratia & misericordia diuina subueniat. A par-
 uulo enim recens nato, vsque ad decrepitum
 senem, quamlibet corporis ætatem gerant,
 sicut nullus prohibendus est a baptismo, ita
 nullus est qui non peccato moriatur in bap-
 tismo. Sed paruuli tantum originali; maiores
 autem etiam his omnibus moriuntur peccatis,
 quæcunque malè viuendo addiderunt ad illud
 quod nascendo traxerunt. ¶ Cauendum ergo
 dilectioni tuæ est, magnaue diligentia pro-
 uidendum, ne per huiusmodi homines extinc-
 ta dudum scandala suscitentur; & de exciso o-
 lim dogmate aliquod in provincia tua eiusdem
 mali germen oriatur, quod non solum in radi-
 cibus suis crescat, sed etiam sanctæ Ecclesiæ so-
 bolem veneno sui odoris inficiat. Qui correc-
 tos se videri volunt, ab omni suspitione se
 purgent: & obediendo nobis, probent se esse
 nostros. Quorum si quisquam salubribus præ-
 ceptis

Psal. 50.

De cõ-
 sec.
 dist.

4. Apar-
 uulo.

sa. 5.

ceptis satisfacere detrectarit; siue ille clericus, siue sit laicus, ab Ecclesiæ societate pellatur; ne perditor animæ suæ salutis insidiatur alienæ.

¶ Illam quoque partem Ecclesiasticæ disciplinæ, quæ olim à sanctis patribus, & à nobis sæpè decretum est, vt nec in Presbyteratus gradu, nec in Diaconatus ordine, nec in subsequenti officio Clericorum, ab Ecclesia *ad Ecclesiam* cuiquam transire sit liberum; vt in integrum reuoces, admonemus. Et vnusquisque, non ambitione illectus, non cupiditate seductus, non persuasione hominum deprauatus; vbi ordinatus est, perseueret: ita vt si quis suam querens, non quæ Iesu Christi, ad *plebem & Ecclesiam* suam redire neglexerit: & ab honoris priuilegio, & à communionis vinculo habeatur extraneus. Non autem dubitet dilectio tua, nos, si (quod non arbitramur) neglecta fuerint quæ pro custodia canonum, & pro fidei integritate decernimus; vehementius commouendos: quia inferiorum ordinum culpæ ad nullos magis referendæ sunt, quàm ad defides negligentesque rectores; qui multam sæpe nutriunt pestilentiam, dum austeriorem dissimulant adhibere medicinam,

CA. 4

In Cōc.
Hispa-
len. 2.
cap. 3.Dist: 84
Inferio-
rum
culpæ.

FINIS EPISTOLÆ.

QVIBVS

QVIBVS ALIIS MODIS

B. L E O

ADVERSVS PELAGIANISMVM

EGERIT.

IAM vbi de Sixto tertio egimus, dictum est quod Leonis diaconi sui hortatu Iulianum quondam episcopum Capuanum, quantumvis speciem correctionis prae se ferret, noluit in communionem ecclesiae recipere, nullumque aditum pestiferis eius conatibus patere permisit.

Præterea, iam factus Pontifex sanctus Leo, B. Prospero onus imposuit fidem catholicam aduersus Pelagianos & eorum reliquias defendendi. Testatur hoc ipse Prosper in præfatione ad obiectiones Vincentianas. Nam quod fuerit

Leo pontifex cuius autoritate idfecit

Prosper, doceri potest ex Photio

in Bibliotheca, cuius verba re-

ferimus infra, annota-

tione prima ad S.

Leonis epi-

stolam.

B. GE

B. GELASII PAPÆ EPISTOLA AD HONORIVM IN DALMA- TIA EPISCOPVM.

Dilectissimo fratri Honorio Gelasius. Et infra; Nunciatum est, in regionibus Dalmatiarū quosdam recidiua Pelagianæ pestis zizania seminasse, tantumque illic eorum præualere blasphemiam, vt simplices quosque mortiferi furoris insinuatione decipiant. Est quidem error ipse nefarius tanto perniciosior ad surrependū, quanto ad fallendum verisimilitudinis colore versutior: præstante Domino adest fidei catholice pura veritas, concors vniuersorum patrū deprompta sententia; quæ & subtile virus funestæ prauitatis exponat, & humano generi saluando conferat de scripturarum confectio-
ne medicinam. Et post nonnulla, An fortasse nescitis hanc heresim de qua loquimur, ab Apostolica dudum sede per beatæ memoriæ Innocentium, ac deinde Zosimum, Bonifacium, Cælestinum, Sixtum, Leonem continuis & incessabilibus sententijs fuisse prostratam: nec tantum Ecclesiæ catholicæ legibus, sed Principum quoque Romanorum eo tenore damnatā, vt nec vsquam terrarum viuendi locum sectatores eius habere sinerentur?

Quod hîc Gelasius dicit de principum Romanorum legibus quibus damnati sint Pelagiani, facile intelligetur ex his quæ suprà de Bonifacio primo dicta sunt. Data fuit hæc Gelasij epistola

epistola anno Christi 493. quarto Kalendas Augusti; quo eodem anno idem Pontifex Kalendis Nouemb. epistolam dedit ad omnes in Piceno episcopos, qua plurimum dolet & conqueritur Pelagianam hæresim in ea prouincia coalescere cœpisse. Tres autem in ea epistola recēset Pelagianas sententias, quæ tum in Piceno cœperant spargi, & a nonnullis recipi. Prima erat, Infantes non concipi cum peccato originali.

Secunda, Infantes etsi non baptizatos non posse damnari. Tertia, Hominem per liberum arbitrium, ipsa natura suffragante, posse beatū reddi. In fine autem eiusdem epistolæ est hoc Gelasij decretum; Nusquam loci prorsus inueniatur præfata pestis assertor; nec accessū prorsus ecclesiæ, vel vsquam participationem catholicæ communionis inueniat; qui hæreticorum mauult subsequi nefaria professione consortium: & hi cum quibus antea probabitur noxium miscuisse colloquium, nisi resipiscunt & ab eius societate discedunt, ab ecclesiastico remoti seruitio, deuota ultione plectantur, quo cæteris cauendi ministretur exemplum. Nullū adeat, nec vsquam loci damnata olim blasphemix iam sinantur.

In secunda autem ad suprā dictum Honorii episcopum Gelasij epistola, is ita loquitur: Miramur dilectionem tuam fuisse miratam, curam sedis apostolicę, quæ, more maiorum, cunctis per mundum debetur ecclesijs, pro vestræ quoque regionis fide fuisse sollicitam. Cumque ad
eam

eam perlatum esset quod quidam per Dalmatias integritatem catholicam vitare niteretur, & diuinis humanisque legibus antè damnatum Pelagianæ pestilentia virus inferre; non putauerimus vllatenus differendum quo minus hæc diligentius inquireremus: vt aut, si fortasse irrepserant, de proximo sanarentur; aut anxietatem nostram, si falso probarentur iactata, releuarent. Neque enim vel silentio premere causam huiusmodi, vel differendo fouere deberemus.

Et, vt finiamus de Gelasio; hic est qui cum Concilio septuaginta Episcoporum, approbat Opuscula Beatorum Augustini, Prosperi & Hilarij atque Hieronymi, & aliorum catholicorum authorum: inter apocrypha autem collocat Cassiani & Fausti Regiensis Episcopi scripta: vt est videre in Tomo 2. Conciliorum, & dist. 15. c. Sancta Romana, in editionibus Decreti melioribus.

Quid S. Hormisda Pontifex aduersus Pelagianismum eiusque reliquias.

Quanta sanctitate, prudentia & diligentia S. Hormisda Pontificatum nouem annos ac paulo amplius administrauerit, fidemque catholicam vbique conseruare & vbi labefacta erat redintegrare studuerit; videre est

G

Anna-

Annalium Baronij Tomo 6. & 7. Transiit ad
Dominum octauo idus Augusti, anno Christi
523.

Ut autem sciamus quid hic vir sanctus ad-
uersus Pelagianismum eiusque reliquias ege-
rit; repetendum est ex Baronio Tomo 6. anno
Christi 517. de Possessore Episcopo Africano.
Hormisda (ait Baronius) qui ad omnes catho-
licę communionis Episcopos literas dedit, ad-
didit priuatas ad Possessorem Episcopum, Le-
gatorum relatione sibi cognitum. Erat hic A-
fricanus Episcopus pro fide Catholica iam ab
Arianis factus extorris: qui conferens se Con-
stantinopolim non sine Dei consilio, multum
profuit Catholicę fidei, hæreticos exagitans
libereque redarguens; cuius aduersus Pelagia-
nos (vt suo loco dicemus) enitnere certamina.
Hic enim in priore ab Hormisda missa legatio-
ne, palam apud legatos rectę fidei professionē
edens, eandem scriptis consignatam & chiro-
grapho roboratam ad eundem Hormisdam Pō-
tificem Romam perferendam, dedit. Cuius e-
gregium factum idem Hormisda probans, ad
ipsum eiusmodi literas reddidit; Hormisda E-
piscopus Possessori Episcopo. Et infra, Libellū
dilectionis tuę de confessione rectę fidei, per le-
gatos nostros remeantes, accepimus, & in eo
sinceritatem tuę fraternitatis agnouimus: quia
quod rectē credit, sub attestazione publica præ-
dicare non distulit. Data tertio nonas Aprilis,
Agapito V. C. Consule.

Quod verò hic promittit Baronius suo loco

se dicturum de Possessoris aduersus Pelagianos certaminibus enitentibus, id exequitur Tomo 7. anno Christi 520. vbi Possessoris ad Hormisdam Pontificem literas recitat, hac inscriptione & exordio; Domino beatissimo & ineffabiliter mirabili, & in Christi gratia præferendo Papæ Hormisdæ Possessor Episcopus in Domino æternam salutem. Decet & expedit ad capitis recurrere medicamentum, quoties agitur de sanitate membrorum. & infra. Cum quorundam fratrum animus de codice Fausti natione Galli Reginæ ciuitatis Episcopi, qui de diuersis rebus, & frequentius de Gratia Dei, differtè visus est disputare, in scandalum moueretur; alijs (vt se habent humana studia) in contrarium renitentibus: me crediderunt de hoc ambiguo consulendum. Et infra; Vel pro eorū prece, vel pro obsequij occasione reddendi Apostolatui vestro, per Iustinum Diaconum meū præsumpsi apices paruitatis meę ingerere; quibus principaliter orationum vestrarum munimen exposcens, quæso vt consulentes quid de præfati authoris dictis videatur, autoritate Apostolicæ responsionis agnoscant: maximè quod filij quoque vestri, Magistri militum, Vitalianus & Iustinianus; præcipuè super hac re rescripto beatitudinis vestræ similiter informari desiderant. Ita Possessor. Cuius epistolam quum accepisset Hormisdæ, statim respondendum iudicauit ne occasione librorum Fausti, noua inter orientales controuersia nasceretur. Iraque, quum Epistolam Possessoris accepisset 15. Kalend. Augusti,

sti, ipse Idibus Augusti respondit, his verbis: Hi quos de Fausti cuiusdam, antistitis Galli dictis vos consuluisse, literis indicastis; id sibi responsum habeant: Neque illum recipi; neque quemquam quos in autoritate Patrum nō recipit examen Catholica fidei aut Ecclesiastica disciplinæ, ambiguitatem posse gignere, aut religiosis præiudicium comparare. & infra; Non improvidè veneranda Patrum sapientia fidei posteritati, quæ essent Catholica dogmata definiit, cetera librorū etiam veterum in autoritatem recipienda, sancto Spiritu instruente, præfigens: ne opinioni suæ lector indulgēs, non quod ædificationi Ecclesiastica conveniret, sed quod voluptas sua concepisset, assereret. Quid ergo calumniantibus opus erat extra constitutos Ecclesiæ terminos porrigere quæstiones, & de his quæ habentur dicta, quasi dicta non sint, movere certamina; cum Christiana fides Canonice libris. & Synodalibus præceptis; & Patrum regularibus constitutis, stabili & inconcusso termino limitetur?

Innuir, haud dubiè Hormisda Pontifex censorum Gelasij Papæ & septuaginta Episcoporum in Concilio Romano factam, quæ istius Fausti scripta iudicata sunt apocrypha: & nihilominus addit Hormisda hæc; De arbitrio tamen libero & gratia Dei quid Romana, hoc est Catholica, sequatur & asseueret Ecclesia, licet in varijs libris beati Augustini, & maxime ad Hilarium & Prosperum possit cognosci: tamen in scrinijs ecclesiasticis expressa Capitula continetur; quæ si tibi

de-

o desunt, & necessaria creditis, destinabimus: quanquam qui diligenter Apostoli dicta considerat, quid sequi debeat euidenter cognoscat. Data Idibus Augusti.

Ex his patet quid de scriptis Fausti censuerit Hormisda, & consequenter de reliquijs Pelagianismi; quantumvis (vt Gelasius Papa in Epist. ad Honorium dicebat) ad fallendum verisimilitudinis colore versutissimis. Constat certe, doctissimis Ecclesie Patribus libros duos Fausti de gratia & libero arbitrio, displicuisse vt subdole scriptos, sic vt cum verbis damnet haresim Pelagij, ipsam artificiosis vijs corroboraret. Hinc aduersus eos scripserunt B. Fulgentius Ruspensis Episcopus, & Alcimius Auius Episcopus Viennensis, vterque doctissimus theologus. De B. Fulgentio ita ipse discipulus vitæ scriptor; c. 28. Ita erat notus omnibus gentibus, vt duo libri, quos Faustus Episcopus Galliarum, contra gratiam, subdolo sermone composuit, fauens occulte Pelagianis sed catholicus tamen volens videri, Constantinopoli offensi, a plurimis fratribus ad beatum Fulgentium dirigerentur. Quibus, ne occultum serperet virus, septem libris ipse respondit; plus laborans exponere quam conuincere: quia dubios sermones eius exponere, hoc erat delirantis argumenta conuincere. Magnus plane huius operis labor mercedem debitam cito suscepit: mox enim vt est dictatio ipsius finita, protinus est longissimæ captiuitatis catena disrupta.

Consonat his S. Isidorus Hispalensis in libro de viris illustribus c. 13. Fulgentius Afer, Ecclesie Ruspensis Episcopus, in confessione fidei clarus, in diuinis scripturis copiose eruditus, in loquendo quoque dulcis, in docendo ac differendo subtilis, scripsit multa: e quibus legimus de gratia Dei & libero arbitrio libros Responsionum, septem; in quibus Fausto Gallie Regiensis vrbis Episcopo, Pelagianę prauitati consentienti respondens, obnititur eius profundā destruere calliditatem. Hęc S. Isidorus. Imposuit sanē calliditas Fausti Erasmo, qui libros illos duos publicauit, putans esse catholici authoris: imposuit etiam alij, qui eos curans imprimi, titulum eis dedit Opus insigne. Quod vero attinet ad B. Alcimū Auitū Viennensē in Gallia Episcopum, ipsum contra Faustum istū commentarios doctissimos edidisse, testis est Gregorius Turonensis hist. lib. 3. c. 34. & Ado Viennensis in chronico, ante annum Chri-

sti 519. tametsi neque ipsius Commen-

tarij neque S. Fulgentij libri septem hodie extent, suppressi

fortassis opera Pela-

gianizantium.

CAPL

CAPITVLA AB

APOSTOLICA SEDE

MISSA EPISCOPIS GAL-
LIE, IN CONCILIO ARAVSI-
ficano secundo publicata.

CAPVT PRIMVM.



Cum ad dedicationem Basilicæ,
quam illustrissimus Præfectus &
Patricius, filius noster Liberius,
in Arausica ciuitate fidelissima
deuotione construxit, Deo pro-
piciante, & ipso inuitante con-
uenissemus; & de rebus quæ ad ecclesiasticam
regulam pertinent, inter nos fuisset spiritalis
oborta collatio: peruenit ad nos, esse aliquos,
qui de gratia & libero arbitrio minus caute, &
non secundum fidei Catholicæ regulam, senti-
re velint. Vnde & nobis, secundum authorita-
tem & admonitionem sedis Apostolicę, iustum
& rationabile visum est, vt pauca capitula, ab
Apostolica nobis sede transmissa, quæ ab anti-
quis patribus de certis scripturarum volumi-
nibus in hac præcipuè causa collata sunt, ad do-
cendos eos qui aliter quàm oportet sentiunt,
ab omnibus obseruanda proferre, & manibus
nostris subscribere deberemus. Quibus lætis;
qui hucusque non sicut oportebat de gratia &

C 4

libero

libero arbitrio credidit, ad ea quæ fidei Catho-
licæ conueniunt, animum suum inclinare non
differat.

1. Si quis per offensam præuaricationis Adæ
non totum, id est, secundum corpus & animā,
in deterius dicit hominem commutatum; sed
animi libertate illæsa durante, corpus tantum-
modo corruptioni credit obnoxium: Pelagij
errore deceptus aduersatur scripturæ dicenti;
Ezech. 18. Anima quæ peccauerit, ipsa morietur. Et, Nes-
citis quoniam cui exhibetis vos seruos ad obe-
diendum, serui estis eius cui obeditis? &, A quo
quis superatur, eius & seruus addicitur.
2. Si quis soli Adæ præuaricationem suam, nō
& eius propagini asserit nocuisse, aut certe
mortem tantum corporis (quæ pœna peccati
est) non autem & peccatum, quod mors est a-
nimæ, per vnum hominem in omne genus hu-
manum transisse testatur: iniustitiam Deo da-
bit, contradicens Apostolo dicenti: Per vnum
hominem peccatum intrauit in mundum, &
per peccatum mors in omnes homines per-
transiit, in quo omnes peccauerunt.
3. Si quis inuocatione humana gratiam Dei
dicit posse conferri, non autem ipsam gratiam
facere, vt inuocetur à nobis; contradicit Esaiæ
Prophetæ, vel Apostolo idem dicenti: Inuentus
sum a non quærentibus me, palam apparui his,
qui me non interrogabant.
4. Si quis, vt à peccato purgemur voluntatē
nostram Deum expectare contendit, non au-
tem vt etiam purgari velimus, per sancti Spi-
ritus

ritus infusionem & operationem in nobis fieri
confitetur; resistit ipsi Spiritui sancto, per Salo- Prou. 8.
monem dicenti: Præparatur voluntas à Domi- Phil. 2.
no. & Apostolo, salubriter prædicanti: Deus est
qui operatur in nobis & velle & perficere pro
bona voluntate.

5. Si quis, sicut augmentum, ita etiam ini- Aug. l.
tium fidei ipsumque credulitatis affectum quo de...
in eum credimus qui iustificat impium, & ad præd.
regenerationem baptismatis peruenimus, non sanct.
per gratiæ donum, id est, per inspirationem vsque
Spiritus sancti corrigentem voluntatem nostrā ad c. 9.
ab infidelitate ad fidem, ab impietate ad piete-
tem; sed naturaliter nobis inesse dicit: aposto-
licis dogmatibus aduersarius approbatur, bea-
to Paulo dicente: Confidimus quia qui cœpit Phil. 1.
in vobis bonum opus, perficiet vsque in diem
Domini nostri Iesu Christi. Et illud: Vobis da- Ibid.
tum est pro Christo, non solum ut in eum
credatis, sed etiam ut pro illo patiamini. Et, Eph. 2.
Gratia salui facti estis per fidem, non ex vobis:
Dei enim donum est. Qui enim fidem, qua in
Deum credimus, dicunt esse naturalem; omnes
eos qui ab Ecclesia Christi alieni sunt, quodam-
modo fideles esse definiunt.

6. Si quis sine gratia Dei credentibus, vo-
lentibus, desiderantibus, conantibus, laboran-
tibus, vigilantibus, studentibus, petentibus,
pulsantibus nobis misericordiam dicit confer-
ri diuinitus; non autem ut credamus, velimus,
vel hæc omnia sicut oportet agere valeamus,
per infusionem & inspirationem sancti Spiritus
tus

tus in nobis fieri confitetur; & aut humilitati, aut obedientiæ subiungit gratiæ adiutorium, nec ut obedientes & humiles simus ipsius gratiæ donum esse consentit: resistit Apostolo dicenti: Quid habes quod non accepisti? Et, Gratiæ Dei sum id quod sum.

7. Si quis nos per naturæ vigorem bonum aliquod quod ad salutem pertinet vitæ æternæ, cogitare ut expedit, aut eligere, sine salutari, id est, Euangelicæ prædicationi consentire posse confirmat absque illuminatione & inspiratione Spiritus sancti, qui dat omnibus suavitatem in consentiendo & credendo veritati: heretico fallitur spiritu: non intelligens vocem Dei in Evangelio dicentis; Sine me nihil potestis facere. Et illud Apostoli: Non quod idonei sumus cogitare aliquid à nobis, quasi ex nobis, sed sufficientia nostra ex Deo est.

8. Si quis alios misericordia, alios verò per liberum arbitrium, (quod in omnibus qui de prævaricatione primi hominis nati sunt, constat esse vitiatum) ad gratiam baptismi posse venire contendit; à recta fide probatur alienus. Is enim non omnium liberum arbitrium per peccatum primi hominis asserit infirmatum; aut certè ita læsum putat, ut tamen quidam valeant sine reuelatione Dei, mysterium salutis æternæ per semetipsos conquirere. Quod quàm sit contrarium, ipse Dominus probat, qui non aliquos, sed neminem ad se posse venire testatur, nisi quem pater attraxerit. Sicut & Petro dicit: Beatus es Simon Bariona, quia caro & sanguis

sanguis non reuelauit tibi, sed pater meus qui in cœlis est. Et Apostolus: Nemo potest dicere Dominum Iesum Christum, nisi in Spiritu sancto.

1. Cor.
12.

De adiutorio Dei.

9. Diuini est muneris, cum & recte cogitamus, & pedes nostros à falsitate & iniustitia tenemus. Quoties enim bona agimus, Deus in nobis atque nobiscum, ut operemur, operatur.

Aug. in
Psa. 118.
ad vers.
Cogi-
taui
vias
meas.

10. De adiutorio Dei. Adiutorium Dei etiam renatis ac sanctis semper est implorandum, ut ad finem bonum peruenire, vel in bono possint opere perdurare.

De obligatione votorum.

11. Nemo quicquam Domino recte vouerit, nisi ab illo acceperit, sicut legitur: Quæ de manu tua accepimus, damus tibi.

De ciui.
Dei lib.
17. c. 4.
1. Par.

Quales nos diligit Deus.

12. Tales nos amat Deus, quales futuri sumus ipsius dono, non quales sumus nostro merito.

29.
Prosper
sent. 54.
Ep. 105.

De reparatione liberi arbitrij.

13. Arbitrium voluntatis in primo homine infirmatum, nisi per gratiam baptismi, non potest reparari. Quod amissum, nisi à quo potuit dari, non potest reddi. Vnde ipsa veritas dicit: Si vos filius liberauerit, tunc verè liberi eritis.

Lib. 14.
de ciui.
Dei c.
11.
Ioan. 3.

14. Nullus miser de quantacunque miseria liberatur, nisi qui Dei misericordia proueni-

Aug.
conc.

sur;

1. 14

Psa. 58. tur; sicut dicit Psalmista; Cito anticipet nos mi-
 Psa. 78. sericordia tua Domine. Et illud: Deus meus;
 Psa. 58. misericordia eius praeueniet me.

Aug. in 15. Ab eo quod formauit Deus, mutatur A-
 tit. Psa. dam, sed in peius, per iniquitatem suam: ab eo
 68. quod operata est iniquitas, mutatur fidelis, sed
 in melius, per gratiam Dei. Illa ergo mutatio,
 Psa. 76. fuit praeuaricatoris primi: haec, secundum Psal-
 mistam, mutatio dexteræ excelsi.

1. Cor. 4. 16. Nemo ex eo quod videtur habere, glo-
 De spir. rietur, tanquam non acceperit: aut ideo se putet
 & 1. c. 18 accepisse quia litera extrinsecus vel ut legere-
 Gal. 2. tur apparuit, vel ut audiretur, insonnit. Nam

Gal. 2. sicut Apostolus dicit, Si per legem iustitia; er-
 Eph. 4. go Christus gratis mortuus est. Porro autem si
 Psa. 67. non gratis mortuus est: Ascendens in altum
 captiuam duxit captiuitatem, dedit dona ho-
 minibus. Inde habet, quicumque habet. Quis-
 Mat. 25. quis autem inde se habere negat, aut verè non
 habet, aut id quod habet auferetur ab eo.

De fortitudine Christiana.

Aug. de 17. Fortitudinem gentilium mundana cupi-
 patien- ditas; fortitudinem Christianorum Dei chari-
 tia c. 17. tas facit, quae diffusa est in cordibus nostris, non
 Rom. 5. per voluntatis arbitrium, sed per Spiritum san-
 Rom. 2. ctum qui datus est nobis, nullis meritis gra-
 tiam praeuenientibus.

Neminem nisi Deo miserante saluari.

Aug. ep. 18. Debetur merces bonis operibus si fi-
 106. ant: sed gratia, quae non debetur, praecedit ut
 fiant.

19. Na-

19. Natura humana, etiam si in illa integritate, in qua est condita, permaneret; nullo modo seipsam, creatore suo non adiuvante, servaret. Vnde quum sine gratia Dei, salutem non possit custodire quam accepit; quomodo sine Dei gratia poterit reparare quod perdidit?

Nihil boni hominem posse sine Deo.

20. Multa in homine bona fiunt quae non facit homo: nulla verò facit homo bona, quae non Deus praestet ut faciat homo.

De natura & gratia.

21. Sicut eis qui volentes in lege iustificari à gratia exciderunt, verissimè dicit Apostolus: Si ex lege iustitia est, ergo Christus gratis mortuus est: sic & his qui gratiam quam commendat & percipit fides Christi, putant esse naturam, verissimè dicitur, Si ex natura iustitia; ergo Christus gratis mortuus est. Iam hinc enim erat lex, & non iustificabat: iam hic erat & natura, & non iustificabat: ideo Christus non gratis mortuus est; ut & lex per illum impleretur, qui dixit, Non veni legem solvere, sed adimplere: & natura per Adam perditam, per illum repararetur, qui dixit venisse se querere & salvare quod perierat.

De his quae hominum propriae sunt.

22. Nemo habet de suo, nisi mendacium & peccatum. Si quis autem habet homo veritatem atque iustitiam; ab illo fonte est quem debemus sicire in hac eremo, ut ex eo quasi guttis quibusdam inrorati, non deficiamus in via.

De

Cont.
2. epist.
Pelag.
1.2. c. 8.
Galiz.
De nat.
grat. &
li. ar. c.
13.

Mat. 5.
Luc. 19.

Extra.
5. in lo.
supol.
De

De voluntate Dei & hominis.

Ex tra.

10. in
Ioan.

23. Suam voluntatem homines faciunt, non Dei, quando id agunt quod Deo displicet. Quando autem ita faciunt quod volunt, ut diuine seruiant voluntati; quamuis volentes agant quod agunt, illius tamen voluntas est à quo præparatur; & obitur quod volunt.

Q. n.

De palmitibus vitis.

Ioan 15.

Ex Au-
gust. su-
per Io-
annem
tra. 81.

24. Ita sunt in vite palmites ut viti nihil conferant, sed inde accipiant unde viuant. Sic quippe vitis est in palmitibus, ut vitale alimentum subministret eis, non sumat ab eis. Ac per hoc, & manentem in se habere Christum, & manere in Christo, discipulis prodest & non Christo. Nam præciso palmite, potest de viua radice alius pullulare: Qui autem præcisus est, non potest sine radice viuere.

De dilectione, qua diligimus Deum.

Tract.

102. in
Ioan.

Rom 5.

25. Prorsus donum Dei est, diligere Deum. Ipse ut diligeretur, dedit, qui non dilectus diligit. Displicentes amati sumus, ut fieret in nobis unde placeremus, Diffundit enim charitatem in cordibus nostris spiritus patris & filij, quem cum patre amamus & filio.

Cōclu-
sio qua
dispar-
tita, in
qua de-
inceps
loqui-
tur Sy-
nodus.

Ac sic, secundum supra scriptas sanctarum scripturarum sententias, vel antiquorum patrum diffinitiones, hoc, Deo propiciante & prædicare debemus & credere, quod per peccatum primi hominis ita inclinatum & at-

nuatum

Q. n.

nuatum fuerit liberum arbitrium, ut nullus
 postea aut diligere Deum sicut oportuit, aut
 credere in Deum, aut operari propter Deum
 quod bonum est, possit; nisi gratia eum & mise-
 ricordia diuina praeuenerit. Vnde Abel iusto, &
 Noë & Abraham & Isaac & Iacob, omnique
 antiquorum sanctorum multitudini, illam
 praeclaram fidem quam in ipsorum laudem
 praedicat Apostolus Paulus, non per bonum
 naturae, quod prius in Adam datum fuerat, sed Heb. ii.
 per gratiam Dei credimus fuisse collatam.
 Quam gratiam, etiam post aduentum Domi-
 ni, omnibus qui baptizari desiderant, non in
 libero arbitrio haberi, sed in Christi nouimus
 simul & credimus largitate conferri; secundu-
 illud quod iam supra dictum, est, & praedicat
 Paulus Apostolus, Vobis donatum est pro Chri- Philip.
 sto, non solum ut in eum credatis, sed etiam ut 1.
 pro illo patiamini. & illud: Deus qui cepit in Ibid.
 vobis bonum opus, perficiet usque in diem
 Domini nostri. Et illud. Gratia salui facti estis Eph. 2.
 per fidem, & hoc non ex vobis; Dei enim do-
 num est. Et quod de seipso ait Apostolus: Mise- 1. Cor.
 ricordiam consequutus sum, ut fidelis essem. 7.
 Non dixit, quia eram: sed, ut essem. Et illud:
 Quid habes quod non accepisti? Et illud. Omne 1. Cor.
 datum bonum, & omne donum perfectum, 4.
 deforsum est, descendens à patre luminum. Et Iacob.
 illud: Nemo habet quicquam boni, nisi illud 1.
 illi datum fuerit desuper. Innumerabilia sunt Ioan. 3.
 sanctarum scripturarum testimonia, quae pos-
 sint ad probandam gratiam proferri; sed breui-
 tatis

ratis studio pretermissa sunt, quia & re vera, cui pauca non sufficiunt, plura non proderunt.

Hoc etiam secundum fidem catholicam credimus, quod accepta per baptismum gratia, omnes baptizati, Christo auxiliante & cooperante, quæ ad saltem pertinent, possint & debeant, si fideliter laborare voluerint, adimplere.

Aliquos verò ad malum diuina potestate prædestinatos esse, non solum non credimus, sed etiam, si sunt qui tantum malum credere velint, cum omni detestatione illis anathema dicimus.

Hoc etiam salubriter profiteamur & credimus, quod in omni opere bono non nos incipimus, & postea per Dei misericordiam adiuvamur, sed ipse nobis, nullis præcedentibus bonis meritis, & fidem & amorem sui prius inspirat, ut & baptismi Sacramenta fideliter requiramus, & post baptismum cum ipsius adiutorio ea quæ sibi sunt placita, implere possimus.

Luc. 13.

facto,

10. a

Luc. 19.

a

Vnde manifestissime credendum est, quod & illius latronis, quem Dominus ad paradisi patriam reuocauit; & Cornelij centurionis, ad quem Angelus Domini missus est; & Zachari, qui ipsum Dominum suscipere meruit, illa tam admirabilis fides non fuit de natura, sed diuinæ largitatis donum. Et quia definitionem antiquorum patrum, nostramque quæ supra scripta est, non solum religiosi, sed etiam laici medicamentum esse & desideramus & cupimus: placuit ergo ut etiam illustres ac magnifici vi-

ri, qui nobiscum ad præfatam festiuitatem cō-
uenerunt, propria manu subscriberent.

CÆSARIUS in Christi nomine episcopus,
constitutionem nostram relegi, & subnotans
subscripsi, quinto Nonas Iulij, Decio iuniore
viro clarissimo consule. Iulianus Episcopus
subscripsi. Constantius Episcopus subscripsi.
Cyprianus Episcopus subscripsi. Eucherius E-
piscopus subscripsi. Heraclius Episcopus sub-
scripsi. Principius Episcopus subscripsi. Phi-
lagrius Episcopus subscripsi. Maximus Episco-
pus subscripsi. Prætextatus Episcopus subscrip-
si. Alerius Episcopus subscripsi. Lupercianus E-
piscopus subscripsi. Vmdemialis Episcopus
subscripsi. Petrus, Marcellinus, Felix, Liberius
viri clarissimi, & illustres præfecti prætorij Gal-
liarum, atque patritij, cōsentientes subscripse-
runt. Syagrius vir clarissimus cons. subscripsi.
Opilio vir clarissimus cons. subscripsit. Panta-
gathus vir clarissimus cons. subscripsit. Deoda-
tus vir clarissimus cons. subscripsit. Cariattho
vir clarissimus cons. subscripsit. Marcellus vir
clarissimus cons. subscripsit.

Conf:
annor.
ad titu-
lum hu-
ius Cō-
cilij.

FINIS.

*Quid Joannes secundus
contra hæreticos.*

IN epistola ad quosdam Romanos viros il-
lustres, paulo post initium ita loquitur. San-

D

ctus

Aus Augustinus, cuius doctrinam, secundum prædecessorum meorum statuta, Romana sequitur & probat Ecclesia; in libro vndecimo de. Civitate Dei, sic dicit: Credimus & tenemus, fideliter prædicamus &c. Extrat hæc epistola Tomo 7. Baronij, anno Christi 534.

*Quid S. Gregorius aduersus
Pelagianismum.*

S. GREGORIVS

**HOMILIA 10. IN EZE-
CHIELEM, QUÆ EST IN CAP. 2.
EI VSDDEM PROPHETÆ**

Ecce, postquam propheta similitudinem gloriæ Domini contemplatus, in faciem suam cecidit; adiungit: Et audiui vocem loquentis, & dixit ad me; Fili hominis sta super pedes tuos, & loquar tecum. Vbi adhuc subditur; Et ingressus est in me spiritus, postquam loquutus est mihi, & statuit me super pedes meos.

Ecce, diuina vox iacenti propheta iussit vt surgeret: sed surgere omnino non posset, nisi in hunc omnipotentis Dei spiritus intrasset: quia ex omnipotentis Dei gratia ad bona opera conari quidem possumus; sed hæc implere

non possumus, si ipse non adiuuat qui iubet. Sic Paulus cum discipulos admoneret, dicens, *Cum metu & tremore vestram ipsorum salutem operamini*: ilico quis in eis hæc ipsa bona operaretur, adiunxit; dicens: *Deus est enim qui operatur in vobis & velle & perficere, pro bona voluntate*. Hinc est quod ipsa veritas discipulis dicit, *Sine me nihil potestis facere*: Sed in his considerandum, quia si bona nostra sic Omnipotentis Dei dona sunt vt in eis aliquid nostrum, non sit: cur nos quasi pro meritis æternam retributionem querimus? Si autem ita nostra sunt vt dona Dei omnipotentis non sint: cur ex eis Omnipotenti Deo gratias agimus? Sed sciendum est quia mala nostra; solummodo nostra sunt; bona autem nostra, & Omnipotentis Dei sunt, & nostræ: quia ipse aspirando nos præuenit vt velimus, qui adiuuando subsequitur ne inaniter velimus, sed possimus implere quæ volumus. Præueniente ergo gratia, & bona voluntate subsequente; hoc quod Omnipotentis Dei donum est fit meritum nostrum. Quod bene Paulus breui sententia explicat, dicens; *Plus illis omnibus laboraui*. Qui ne sue videretur virtuti tribuisse quod fecerat; adiunxit, *Non autem ego, sed gratia Dei mecum*. Quia enim cælesti dono præuentus est; quasi alienum se a bono suo opere agnouit, *Non autem ego*: sed quia præueniens gratia liberum in eo arbitrium fecerat in bono; quod libero arbitrio eandem gratiam est subsequutus in opere, adiunxit; *sed gratia Dei mecum*. Ac si diceret, *In bono opere laboraui*,

non ego; sed & ego. In hoc enim quod solo Domini dono preuentus sum; non ego: in eo autem quod donum voluntate subsecutus; & ego. His igitur breuiter contra Pelagium & Celestium dictis, ad exponendi ordinem redeamus. Hæc loco dicto S. Gregorius.

Idem libro 32. Moralium c. 8. alias 9. tractans verba Domini ad Iob quæ sunt cap. 40. v. 9. illa, *Et ego confuebor quod saluare te possit dextera tua*: ita loquitur; Ecce, diuina voce ad beatum Iob dicitur quod sua dextera non saluetur: & tamen nonnulli hominum qui ab huius viri viribus longe sunt, despecto Dei adiutorio, sua se fortitudine saluari posse confidunt. Pro quibus quid deprecari aliud debemus, nisi vt, si iam dona bonorum operum perceperunt, hoc quoque donum accipiant vt à quo hæc acceperint, discant?

Idem sanctissimus Pontifex idemque doctissimus, ad Anastasium Episcopum Antiochenum, de pseudosynodo Ephesina per schismaticos Nestorio fauētes agitata; sic loquitur, Illa synodus quæ sub primæ Ephesinæ imagine facta est, quædam in se oblata capitula asserit approbata, quæ sunt Celestij atque Pelagij prædicamenta. Et cum Celestius atque Pelagius in ea synodo sint damnati: quomodo poterant illa capitula recipi, quorum damnabantur auctores? Ita Gregor. lib 7. ep. 47. Quod Synodus Ephesina dānauerit Pelagianos, quod hic affirmat B. Gregori⁹, liquet apud Baroniū Tō. 5. an. Christi 431. diuersis locis, ex Actis illius Synodi.

Actio.

Actiōe enim septima Synodus epistolā scri- pag.
psit encyclicā ad vniuersos Christi fideles; cui 593. b.
adiexit sex canones, quibus significauit ne quis
se coniungeret cum Nestorio vel eius partes
tutantibus, vel sectę Pelagianę viris: qui vero
secus fecerint, vt delicerentur ab Episcopatu,
iussit; & subiacerent anathemati.

Actiōe autem nona, quę fuit anno supra di- pag.
cto, die 23. Iulij, actum est de damnatione hæ- 594. b.
resis Pelagianę; lectique sunt in primis Com-
mentarij Romę conscripti sub Cęlestino Ro-
mano Pontifice, aduersus eosdem hæreticos:
ex quorum præscripto consecuta est eiusdem
hæresis damnationis conclamatio. Constat id
ex Synodali epistola in hac sessione scripta ad
Cęlestinum Romanum Pontificem. Ean-
dem Pelagianorum damnationem in
Concilio Ephesino factam com-
memorat S. Prosper in Chro-
nico, suprā à nobis alle-
gatus, vbi de Beato
Cęlestino
Papa.

D 3

DECRET

DECRETA CONCILII VALENTINI,

CELEBRATI A TRIVM
PROVINCIA RV M IN GALLIA
Episcopis, Lugdunensis, Viennensis & Arela-
tensis, Anno Domini o ctingentisimo
quinguesimo quinto.

CAPVT I.

1. Tim.
2. 7.

1. Tim.
5.



2. Tim.
6.
ibid.

Phil. 2.

Eph. 4.

VIA Doctorem gentium in fide
& veritate, fideliter commonen-
tem obedienterque audiui-
mus: O Timothee, depositū custodi,
deuitans prophanas vocum no-
uitates, & oppositiones falsi nominis scientiæ;
quam quidam promittentes, circa fidem ex-
ciderunt. Et iterum prophana autem & vani-
loquia deuota: multum enim proficiunt ad im-
pietatem; & sermo eorum vt cancer serpit. Et
iterum: Stultas autem & sine disciplina quæ-
stiones deuota; sciens quia generant lites:
seruum autem Domini non oportet litigare.
Et iterum: Nihil per contentionem neque per
inane gloriā: paci, quantum Deus dederit,
& charitati studere cupientes, attendentes pi-
um eiusdem apostoli consilium, Solliciti serua-
re vnitatem spiritus in vinculo pacis: nouita-
tes vocum & præsumptiuas garrulitates, vnde
potius inter fratres contentionum & scanda-
lorum

lorum fomes excitari potest, quàm ædificatio
 vlla timoris Dei succrescere ; cum studio omni-
 -deuimus : indubitanter autem Doëtoribus
 pië & rectè tractantibus verbum veritatis, ip-
 -sisque Sacræ Scripturæ lucidissimis expositori-
 -bus, idèst Cypriano, Hilario, Ambrosio, Hie-
 -ronymo, Augustino, ceterisque in Catholica
 pietate quiescentibus, reuerenter auditum, &
 obtemperanter intellectum submittimus ; &
 pro viribus quæ ad salutem nostram scripserunt,
 amplectimur. Nam de præscientia Dei & de
 prædestinatione, & de quæstionibus alijs ; in
 quibus fratrum animi non parum scandalizari
 probantur ; illud tantum firmissimè tenendum
 credimus, quod ex maternis Ecclesiæ visceri-
 -bus nos hausisse gaudemus.

CAPVT II.

DE VM præscire & præscisse æternaliter &
 bona quæ boni erant facturi, & mala quæ
 mali sunt gesturi. quia vocem scripturæ dicen-
 -tis habemus ; Deus æterne, qui absconditorum
 est cognitor, qui nosti omnia antequam fiant: Dan. 13.
 fideliter tenemus & placet tenere, bonos præ-
 -cisse omnino per gratiam suam bonos futuros,
 & per eadem gratiam æterna præmia acceptu-
 -ros : malos præcisse per propriam malitiam
 malos futuros, & per suam iustitiam æterna vl-
 -tione damnandos : vt, secundum Psalmistam, Psa. 61.
 quia potestas Dei est, & Domini misericordia,
 reddat vnicuique secundum opera sua ; & sicut
 Aposto-

Apostolica doctrina se habet, his quidem qui secundum patientiam boni operis, gloriam & honorem & incorruptionem quærentibus, vi-

Rom. 2. tam æternam: his autem qui ex contentione, & qui non acquiescunt veritati, credunt autem iniquitati, ira & indignatio. Tribulatio & angustia in omnem animam hominis operantis malum. In eodem sensu, alibi: In reuelatione (in-

rhoss. quit) Domini nostri Iesu Christi de cælo, cum Angelis virtutis eius, in igne flammæ dantis vindictam his qui non nouerunt Deum, & qui non obediunt Euangelio Domini nostri Iesu Christi; qui pœnas dabunt in interitu æternas, cum venerit glorificari in Sanctis suis, & admirabilis fieri in omnibus qui crediderunt. Nec prorsus ulli malo præscientiam Dei imposuisse necessitatem, vt aliud esse non possit: sed quod ille futurus erat ex propria voluntate, ille, sicuti Deus, qui nouit omnia antequam fiant, præ-

Jan. 13. cit ex sua omnipotentia & incommutabili maiestate. Nec ex præiudicio eius aliquem, sed ex merito propriæ iniquitatis credimus condemnari. Nec ipsos malos ideo perire, quia boni esse non potuerunt: sed quia boni esse noluerunt; suoque vitio in massa damnationis, vel merito originali, vel etiam actuali, permanserunt.

CAPVT III.

SED & de prædestinatione Dei placuit & fideliter placet, iuxta authoritatem Apostolicam,

licam, quæ dicit: An non habet potestatem figulus luti ex eadem massa facere aliud vas in honorem, aliud verò in contumeliam? Vbi & Rom. 9. statim subiungit; Quod si volens Deus ostendere iram, & notam facere potentiam suam, sustinuit in multa patientia vasa iræ apra (siue preparata) ad interitum; vt ostenderet diuitias gratiæ suæ in vasa misericordiæ, quæ preparauit in gloriam. fidenterque fatemur prædestinationem electorum ad vitam; & prædestinationem impiorum ad mortem: in electione tamen saluandorum, misericordiam præcedere meritum bonum; in damnatione autem periturorum, meritum malum præcedere iustum Dei iudicium. Prædestinatione autem Deum ea tantum statuisse, quæ ipse vel gratuita misericordia, vel iusto iudicio facturum erat; secundum scripturam dicentem: Qui fecit quæ futura sunt. In malis verò, ipsorum malitiam præscisse, quia ex ipsis est: non prædestinasse, quia ex illo non est. Pœnam sanè malum meritum eorum sequentem, vt i Deum; (quia omnia prospicit) præsciuisse & prædestinasse; quia iustus est: apud quem est, vt Sanctus Augustinus ait, de omnibus omnino rebus tam fixa sententia quàm certa præscientia. Ad hoc siquidem facit sapientis dictum: Parata sunt derisoribus iudicia, & mallei percutientes stultorum corporibus. De hac immobilitate præsciendi & prædestinationis Dei, per quam apud eum, futura iam facta sunt, apud Ecclesiam tenet bene intelligitur dictum: Cognoui quod omnia

Rom. 9.

Isaie
41. v. 11.
iuxta
70.

Prov.
19.

Eccles. 1.

nia

nia opera, quæ fecit Deus, perseverent in perpetuum: non possumus his addere nec auferre, quæ fecit Deus ut timeatur. Verum aliquos ad malum prædestinatos esse diuina potestate, videlicet ut aliud esse non possent; non solum non credimus, sed etiam si sunt qui tantum mali credere velint, cum omni detestatione, sicut Arausica Synodus; illis anathema dicimus.

Post canonem

25.

CAPVT IIII.

ITEM de redemptione sanguinis Christi, propter nimium errorem, qui de hac causa exortus est, ita ut quidam, sicut eorum scripta indicant, etiam pro illis impijs qui à mundi exordio usque ad passionem Domini in sua impietate mortui, & æterna damnatione puniti sunt, effusum definiant; contra illud Propheticum, Ero mors tua ô mors; ero morsus tuus inferne: illud nobis simpliciter & fideliter tenendum ac docendum placet, iuxta Euangelicam & Apostolicam veritatem, quod pro illis hoc datum pretium teneamus de quibus ipse Dominus noster dicit: Sicut Moyses exaltauit serpentem in deserto, ita exaltari oportet filium hominis; ut omnis qui credit in ipso, non pereat, sed habeat vitam æternam. Sic enim Deus dilexit mundum ut filium suum unigenitum daret, ut omnis qui credit in eum, non pereat, sed habeat vitam æternam. Et Apostolus: Christus (inquit) semel oblatus est ad multorum exhaurienda peccata. Porro capitula

pitula 4. quæ Concilio fratrum nostrorum minus prospectè suscepta sunt, propter inutilitatem vel etiam noxietatem, & errorem contrarium veritati; sed & alia 19. syllogismis ineptissimè conclusa, &, licet iactetur, nulla sæculari literatura nitentia; in quibus commentum diaboli potius, quàm argumentum aliquod fidei depræhenditur; à pio auditu fidelium penitus explodimus: & vt alia similia caueantur per omnia, autoritate Spiritus sancti interdiciamus. Nouarum etiam rerum introductores, ne districtius feriantur, castigandos esse censemus.

CAPVT V.

ITEM firmissimè tenendum credimus, quod omnis multitudo fidelium, ex aqua & Spiritu sancto regenerata, ac per hoc veraciter Ecclesiæ incorporata, & iuxta doctrinam Apostolicam in morte Christi baptizata, in eius sanguine sit à peccatis suis abluta: quia nec in eis potuit esse vera regeneratio, nisi fieret & vera redemptio; cum in Ecclesiæ Sacramentis nihil sit cassum, nihil ludificatorium, sed prorsus totum verum, & ipsa sui veritate ac sinceritate subnixum. Ex ipsa tamen multitudine fidelium & redemptorum, alios saluari æterna salute; quia per gratiam Dei in redemptione sua fideliter permanent, ipsius Domini sui vocem in corde ferentes; Qui perseuerauerit usque in finem, hic saluus erit: alios, quia nolue-

Matth.
10,

runt

runt permanere in salute fidei, quam initio acceperunt ; redemptionisque gratiam potius irritam facere praua doctrina vel vita, quàm seruare elegerunt ; ad plenitudinem salutis, & ad perceptionem æternæ beatitudinis nullo modo peruenire. In utroque siquidem

- Rom. 6. doctrinam pij doctoris habemus : Quicumque baptizati sumus in Christo Iesu, in morte ipsius baptizati sumus. Et, Omnes qui in Christo baptizati estis, Christum induistis. Et iterum :
 Gal. 3. Accedamus cum vero corde, in plenitudine fidei,
 Heb. 10. adpersi corda à conscientia mala, & abluti corpus aqua munda ; teneamus spei nostræ confessionem indeclinabilem. Et iterum : Voluntariè peccantibus nobis post acceptam notitiâ veritatis, iam non relinquitur pro peccatis hostia. Et iterum : Irritam quis faciens legē Moysis, sine vlla miseratione duobus aut tribus testibus moritur : Quanto magis putatis deteriora mereri supplicia, qui filium Dei conculcauerit & sanguinem testamenti pollutum duxerit, in quo sanctificatus est, & spiritui gratiæ contumeliā fecerit ?

CAPVT VI.

ITEM de gratia per quam saluantur credentes, & sine qua rationalis creatura nunquam beatè vixit ; & de libero arbitrio, per peccatum in primo homine infirmato, sed per gratiam Domini Iesu fidelibus eius redintegrato & sanato, id ipsum constantissimè, & fide plena fatemur,

temur, quod sanctissimi Patres autoritate sacrarum scripturarum nobis tenendum reliquerunt: quod Africana, quod Arausica Synodus professa est, quod beatissimi Pontifices Apostolicae sedis, Catholica fide tenuerunt. Sed & de natura & gratia, in aliam partem nullo modo declinare praesumentes; ineptas quaestiuunculas, & aniles penè fabulas Scotorum, quae plures puritati fidei nauseam inferentes, quæ periculosis & grauissimis temporibus, ad cumulū laborum nostrorum usque ad scissionem charitatis, miserabiliter & lachrymabiliter succreuerunt; ne mentes Christianæ inde corrumpatur, & excidant à simplicitate & castitate fidei, quæ est in Christo Iesu; penitus respuimus; & ut fraterna charitas, cauendo à talibus, auditū castiget, Christi amore monemus. Recordetur fraternitas malis mundi grauissimis se vrgeri; melle nimia iniquorum, & paleis leuium hominum se durissimè suffocari. Hæc vincere ferueat, hæc corrigere laboret; & superfluis cœtum piè dolentium & gementium non oneret: sed potius certa & vera fide, quod à sanctis patribus de his & similibus sufficienter profectum est, amplectatur.

2. Cor.
II.

ANNO.

ANNOTATIONES HISTORICÆ, ET PRIMVM IN EPISTOLAM B. CÆLESTINI PAPÆ, DE IPSIVS TITVLO.



D S. Augustinum sub extremum vitæ ipsius, scripserant sancti & doctissimi viri Prosper & Hilarins, postea in Gallia Episcopi ambo; conquerentes de quibusdam Massiliæ & aliorum in Gallia locorum presbyteris, Catholicis quidem sed per imprudentiam reliquias Pelagianę prauitatis fouentibus: qui eos qui tunc editi erant, ipsius Augustini de gratia & prædestinatione diuina libros carpebant. Propter hos igitur Sanctus Augustinus, ad illos eosdem sanctos viros, nouum opus edidit duorum librorum; quorum prior habet titulum, De prædestinatione Sanctorum; posterior, De dono perseuerantię. Quibus libris hoc potissimum docetur, Ipsum etiam initium fidei qua Christiani sumus, Dei gratiæ esse adscribendum; &, finalem in bono perseuerantiam, similiter. Hoc eorum esse argumentum principale, liquet ex prioris libri c. 2. & 21. necnon ex libri posterioris cap. 24. Verum hi duo libri quum in manus illorum presbyterorum venissent; adeo eos non pacauerunt, vt maiore etiam studio, ac pertinaciter aduersus Sancti Augustini Doctrinam non solum

lum sentirent, sed etiam docerent & prædica-
rent; fieretque hoc modo Ecclesiarum dissen-
sio. Qua de causa illi iidem Prosper & Hilarius
Romam se contulerunt ad S. Cælestinum tunc
summum Pontificem, B. Augustino interea de-
functo: eumque tota de re diligenter edocue-
runt, utque his malis remedium efficax Apo-
stolica auctoritate adferret, obnixè rogauerūt.
Is, pro munere pastoralis generalisque sui offi-
cij, hanc Galliæ Episcopis scribit epistolam, in
qua S. Augustini doctrinam aduersus factiosos
illos repræhensores tuetur; iisque per Episco-
pos vult imponi silentium: atque tam præde-
cessorum suorum summorum Pontificum defi-
nitiones quàm suam ipsius, illis mittit; quibus
velit omnes acquiescere qui velint esse & ha-
beri Catholici. Quæ omnia quo ordine sunt
commemorata, in hac epistola facile est ob-
seruare.

Hic est Cælestinus ille, Papa huius nominis
primus, qui Pelagianismo strenuè restitit, se-
quutus suorum prædecessorum exempla, San-
ctorum Innocentij primi, Zosimi, & Bonifacij
primi. Nam inter cetera, Palladium suum Dia-
conum; & post eum, S. Germanum Antifodo-
rensem Episcopum, ut suum vicarium, in Bri-
tanniam misit ad debellandam hæresim Pela-
gianam ibi tum pullulantem. Quod & factum
est per hos sanctos viros, simul cum S. Lupo
Trecensi Episcopo doctrina, & miraculis diui-
nitus per eos factis. Videatur Baron. anno
Christi 429 in princ. & quos ibi citat. Videatur

tur etiam Martyrol. Rom. cum Notis Baronij, die 29. & 31. Iulij. Hic idem Cælestinus est, qui Constantinopolitanum Episcopum Nestorium hæresiarcham, indicta generali Synodo Ephesina, condemnauit & loco mouit. Celebratur viri sancti ad Dominum transitus, in Martyrologio Romano, die sexto Aprilis.

IN Tomo primo Conciliorum editionis Veneræ, huic epistolæ præfigitur iste Titulus, *Epistola Cælestini Papæ prima, ad Episcopos Gallie.* Et prima epistolæ verba eum titulum confirmant: vt nimis ieiunum sit quod nonnulli in ipso titulo posuerant, *Ad quosdam Galliarum Episcopos.* Qui iidem in hoc quoque errauerant quod ponebant in titulo, hanc Epistolam fuisse scriptâ Pro Prospero & Hilario; quâ pro B. Augustino scripta sit aduersus eos quos diximus ipsius fugillatores; & simul in ea colligantur Apostolicæ sedis definitiones aduersus nouitates Pelagianas.

LAVDANT magnopere hanc B. Cælestini Epistolam, S. Prosper scribens contra Collatorem, sub finem opusculi: & Vincentius Lirinensis illi coætaneus, sub finem sui libelli. Meminit & Photius huius Epistolæ in sua Bibliotheca; vbi ait de ipso Cælestino: *Scriptit quoque ad Episcopos Galliarum de fide sancti Augustini.* Atque hi omnes generali titulo hanc Epistolam inscribunt, *Ad Episcopos Galliarum.* Quare nemo mirabitur, si videat hic eidem Epistolæ datâ hanc epigraphen; *S. Cælestini Papæ pro B. Augustino, & de gratia Dei, Epistola ad Galliarum Episcopos.*

IN

IN CAPVT. I.

IN Tomo primo Conciliorum nihil singulis capitibus præponitur, tanquam Summarium: vt neque in ea Pontificalium epistolarum collectione, quam superioris sæculi anno 1536. Basileæ curauit edi Ioannes Sichardus.

VENDICARE doctrinam) Ita legitur Tomei. Conciliorum, & in collectione illa Sichardi: pro quo alij, *vindicare*, minus aptè ad sensum.

QVI, *si ita est discipuli non fuerant?* Si ita est, nimirum vt Prosper & Hilarius apud nos sunt conquesti vt paulo antè dicebatur.

MERITO namque causa nos respicit, *si silentio foueamus errorem*. Ita reposuimus ex Vincentij Lirinensis cap. vlt Quod verò ait, nos, in persona Episcoporum dicit Cælestinus; vt liquet ex his que paulo post sequuntur, ibi; *in collegium nostrum*. id est, in collegium Episcoporum. Vult autem dicere, Episcopos contrahere peccatum alienum, quando presbyteris errores seminantibus ipsi silent.

CONANTVR sepe naufragio mergere) Conantur, scilicet, qui huiusmodi sunt. *mergere*, eos nimirum, quos &c. Apud Sichardum legitur *emergere*: sed sensus qui inde resultat, non congruit contextui sermonis huius.

NISI forte illud obsistat) Quod hic B. Cælestinus sub dubio relinquit; id postea certò cognitum, in Galliarum Episcopis reprehendit;
E
epist.

epist. ad eosdem secunda, c. 3. & citatur à Gratiano dist. 59. Ordinatores verò quosdam.

QVID sibi debeant vendicare. Ita Tomps 1. Concil. & Sichardus. vendicare, inquam: id est, tanquam proprium adsumere.

AD fratris Tuentij dedimus scripta responsum. Quis & cuius loci fuerit Episcopus, iste Tuentius; fateor mihi hæcenus ignotum; vt fuit Baromo, anno Christi 431. vbi de hac Cælestini Epistola agit. Quocnam est autem istud B. Cælestini Responsum, quod dederat ad propositiones Episcopi Tuentij? Qui omnia diligenter considerabit, non dubitabit illud Responsum contineri capitibus tertio & sequētibus huius Epistolæ. Nam ipsa quidem Epistola manifestè finitur fine capitis secundi. Restat igitur vt quæ sequuntur post caput secundum, diuersum quid sint ab hac propriè Epistola. Quid autem aliud, quàm Responsum antea datum ad Tuentium Episcopum? Præsertim cum Cælestinus Papa sese illud responsum dicat repetere. Sic enim loquitur: *Super his multa iam dicta sunt eo tempore, quo ad fratris Tuentij dedimus scripta Responsum. Nunc tamē repetentes, sæpius admonemus vt vetentur* (Ita Sichardus) *huiusmodi, qui laborant per terras aliud, quam ille noster iussit agricola, seminare. Confer ea quæ dicuntur à nobis ad initium dicti cap. 3. Quod autem hic pro vitentur, ex Sichardo reponimus vetentur: quiuis videt superioribus magis congruere. Sermo enim est ad Episcopos, vt prohibeant suis presbyteris turbulentas nouitates prædicare.*

QVI nituntur etiam quiescentium fratrum memoriam dissipare.) Hoc precipue propter S. Augustinum, quem tunc defunctum lacerabant isti notatores, dixit Cælestinus Papa: vt constat ex his quæ proximè sequuntur.

IN CAPYT II.

IN nostra communione semper habuimus) Meritò ita loquitur Cælestinus, annum iam agens in Pōtificatu octauum; S. Augustino demum defuncto anno proximo ante hanc Epistolam scriptam, id est, à Christo nato 430. quum Cælestinus creatus esset Pontifex anno Domini 423. tertio nonas Nouemb.

EXTAT S. Augusti ad ipsum recens creatum Epistola gratulatoria, numero 261. quod pacifica fuisset electio, secus quam fuerat prædecessoris eius S. Bonifacii primi, turbata nimirum schismate Eulalij. Et antequam Cælestinus esset Pontifex, fuerat vtrique ex numero precipuorum presbyterorum Romanę Ecclesię; conscius proinde negotiorum maioris momenti quæ à prædecessoribus ipsius fuerant tractata: vnde & hac ratione, meritò nunc dicit, *In nostra communione semper habuimus.* Huc faciunt illa sequentia, *Quem tantæ scientiæ olim fuisse meminimus, vt inter magistros optimos etiam à meis semper decessoribus haberetur. Vnde resistē dñ talibus.)* quales scilicet dixi verbis vltimis capitis 1. *Male crescere*) quia per depressionem verorum Ecclesiæ Magistrorum, eorumque optimorum.

NON est agentium causa solorum: Vniuersalis Ecclesia quacunque nouitate pulsatur. q. d. Hæc causa non tangit duntaxat Prosperum & Hilarium, qui apud me de presbyterorum vestrorum nouitatibus, & in Sanctum Augustinum maledictis, sunt conquesti: sed vniuersalem Ecclesiam tangit, quia nouitas est in doctrina religionis; ideoque ego B. Petri successor illam ad meam curam debeo reuocare.

CÆTERVM, quum hæc B. Cælestini Epistola per Gallias esset sparsa: presbyteri isti nouatores prauis interpretationibus hanc B. Augustini laudationem conabantur corrumpere; ne videlicet cogerentur recipere S. Augustini libros duos, De prædestinatione Sanctorum, & De dono perseuerantiæ, quos ille propter istos presbyteros sanandos scripserat. Eorum tergiuersatorias interpretationes est videre apud Prosperum, sub finem libri contra Collatorem: vbi & refutantur. Videre est cap. 43. & 44.

QVEM Prosperi locum omnino debet pius lector inspicere: nos breuitati studentes huc non transcribimus. Videat etiam cap. 41. & 42.

ITEM videatur quod ex S. Hormisda Papa in epistola secunda ad Episcopum Possessorem, allegamus, sub finem: vbi hos libros, nominatim probat imo, præfert reliquis.

IN CAPVT III.

QVÆ sequuntur, sunt B. Cælestini, partim recitantis definitiones suorum prædecessorum,

forum, partim suis verbis vrentis in definiendo. Quod autem in Tomo 1. Conc. per quempiam annotatum est, sequentia esse Prosperi; idque non rejicit Baronius, ad annum 431. vbi huius epistolæ meminit: hoc refutatur per ea quæ sūt in fine cap. 1. vt diximus. refutatur item ex principio capituli 10. vbi sic legitur: *Illud etiam quod inter Cartaginensis Synodi decreta constitutum est, quasi proprium Apostolicæ sedis amplectimur.* Nec enim Prosperum iste sermo decuisset. Potest etiam refutari ex ipsius Cælestini epistola ad Maximianum Constantinopolitanum, deiecto Nestorio, Episcopum; vbi eum exhortans ad repellendos Pelagianos, hæc de ijs dicit, inter cetera: *Tanquam non illis sententia toties repetita sufficiat; longinquas terras remotasque prouincias inquietant.* Quibus verbis significat à se quoque per sententiam ac definitionem fuisse damnatos. Est autem ista Epistola scripta anno Christi 432. quum illa ad Episcopos Galliæ missa fuerit anno præcedente. Liquet ista ex Baronio, in horum annorum historia, Tomo 5. Adde, quod si hæc quæ deinceps sequuntur forent Prosperi: is non omisisset nominatim citare definitionem ipsius Cælestini; vt fecit peculiarem eius mentionem in fine opusculi aduersus Collatorem. Nec enim existimare possumus quod vna cum sua epistola ad Episcopos Galliæ Pontifex ad eosdem misisset Collectionem aliquam ipsius (tunc nondum Episcopi) Prosperi; sed aliquanto post tempore ea facta fuisset, vt & alia pleraque ipsius aduersus Pelagianos

tagmata, sub Xisto tertio Papa. Quare, in hac collectione nominatim meminisset Prosper Cælestini; si ipse eius author esset. Denique huius epistolę caput vltimum, non sonat Prosperum, tunc nondum Episcopum: sed Pontificem potius supremum.

CONTRA nocentissimos liberi arbitrij defensores.) Non vult omnem eum qui liberum defendit arbitrium, esse noxium: sed designatè loquitur de illis liberi arbitrij defensoribus, qui illud sic tuebantur, vt ad opera coram Deo bona faciēda, gratiam dicerent non esse necessariam, vel eam libero arbitrio subijcerent ac postponerēt. Nam contra tales demum liberi arbitrij defensores, Romanę Ecclesię rectores quid de Gratia Dei sentiendum esset, censuerunt.

AFRICANORVM Conciliorum) Confer initiū cap. 10. & quæ ibi notamus.

SI cum Catholicis credat, & dicat:) Pendet oratio, & completur initio capitis sequentis. Ex hoc eodem imperfecto fine capitis tertij pendent initia capitum quinti, sexti, & sequentiū. Ne lector putet Cælestinum, cuius ea sunt, sui esse oblitum.

IN CAPVT IIII.

IN prauaricatione Adæ omnes homines naturalem possibilitatem, & innocentiam perdidisse. Per naturalem istam possibilitatem non intelligere Cælestinum, liberum arbitrium; patet ex verbis proximè sequentibus, quibus in humano genere post

post primam illam prauaricationem agnoscit
discretè liberum arbitrium, sed insufficiens ad
hominem à ruina erigendum. Et initio cap. 7.

Cælestinus; Quod nemo, nisi per Christum, libe-
re bene utatur arbitrio. Sentit igitur remansisse.

Quidnam igitur intelligit? Potentiam propin-
quam bene & salutariter operandi; nempe quæ
posita sit in viribus præsentibus satis efficaci-
bus; ideoque in dono gratiæ diuinæ. Cur vocat
eam naturalem? Quia cum ipsa natura incepit;
quia erat naturæ conuenientissima. Nam natu-
ra humana in sui prima institutione hoc dono
gratuito fuit exornata, eoque insigniter perfic-
iebatur. Porro aliâ notione erat supernatura-
le: utpote neque naturæ debitum, neque natu-
ræ vi exortum. Illa primæ creationis munera,
etiam alij veteres, iuxta allatam rationem vo-
cauerunt *naturalia*. ut S. Leo serm. 1. de ieiunio
decimi mensis; ubi ait, hanc esse *naturalem* no-
stri generis dignitatem; si in nobis, quasi in
quodam speculo, diuinæ benignitatis forma
resplendeat. Non dissimiliter loquitur B. Tho-
mas 1.2.q.85.art.3. in c. & ad 3. Item 2.sec.q.34.
art.5.in c. Videtur autem Cælestinus his verbis
vti; vt contradictione expressa resistat sermoni
Semipelagianorum, quo illi inquebant, tantâ
esse integritatem virium naturæ humanæ, vt
contra ipsum diabolum sæuitiamque eius, vs-
que ad extrema supplicia, sine auxilio Dei, va-
leat dimicare. Tum addebant, hanc *possibilitatem*
in omnibus esse hominibus *naturalem*: sed non
omnes in generatis sibi vti velle virtutibus. Ita

eorum sententiam refert Prosper, contra Col-
latorem. c. 40.

QVÆ hoc capite & duobus sequentibus ex
Innocentio primo allegat Cælestinus, sunt in
Epistola quæ inter Augustini est 91. in ordin-
em autem Epistolarum ipsius Innocentij, in To-
mo 1. Conciliorum, est 25.

QVIBVS in locis nonnulla paulo aliter legun-
tur, quàm hic: siue ea diuersitas sit a Cælestino
siue a scribis: sensum sanè non mutat.

IN CAPVT V.

NAM quid nos.) Hic locus in ipsa Inno-
centij primi Epistola ita legitur: Nam quid
nos post hac rectum de eorum mentibus æstimemus, qui
sibi se putant debere quod boni sunt; nec illum conside-
rant cuius quotidie gratiam consequuntur? sed iam isti
qui tales sunt, nullam Dei gratiam consequuntur: quia
sine illo tantum assequi se posse confidunt, quantum
vix illi qui ab illo postulant & accipiunt, promeren-
tur.

IN CAPVT VI.

NECESSE est enim, ut quo auxiliante vincimus)
Louuanienſis apud Grauium editio huius
Epistolæ Cælestini, hic *vicinus*, habet: ita legi-
tur & in Collectione Sichardi. Sensus tamen
vix mutatur,

IN CAPVT VII.

EPISTOLA Innocentij primi quam hic allegat Cælestinus, extat inter Augustini numero 93. Inter vero ipsius Innocentij Epistolas in Tomo 1. Conciliorum, est 26.

IN CAPVT VIII.

QUÆ hic citatur B. Zosimi Papæ Epistola, hodie non extat: sed præter Cælestinum, qui particulam eius hic recitat; meminit ipsius ac nonnulla inde allegat S. Augustinus Epist. 157. sub finem. & S. Prosper contra Collatorem c. 10. & 41. Quo capite 10. idem meminit Epistolæ Africanorum Episcoporum ad Papam Zosimum, ex qua hic bonam partem recitat Cælestinus: tametsi nec illa hodie extet.

SCIAT autem Lector, id quod sub finem sententiæ illius, dicunt Africani Episcopi, *Præparatur voluntas a Domino*, testimonium esse sacræ scripturæ; quo sæpissimè vtuntur veteres Ecclesiæ doctores ij qui aduersus Pelagianos scripserunt. Extat iuxta 70. Inter interpretes, Proverb. 8. in fine, vbi nos habemus: *Hauriet salutem à Domino.*

IN CAPVT IX.

EX eadem B. Zosimi generali ad totius orbis Episcopos Epistola, etiam hæc citantur à Cæle-

à Célestino Papa: & si ea non extet. Curæ sit lectori vt hoc caput, cum præcedente, & ijs quæ deinceps sequuntur, singulari meditatione ruminet atque perpendat.

IN CAPVT X.

QUÆ tria capitula hic recitat B. Cælestinus ex Cartaginensi synodo; desumpta sunt ex illis octo, quæ prius quidem in Cartaginensi Concilio, deinde eadem in Concilio Mileuitano prouinciæ Numidix, fuerant conclusa, & missa ad Innocentium primum, ab eoque probata. Vide inter S. Augustini Epistolas 92. & 93. Cum autem multa fuerint Concilia Cartaginensia; illud hic est intelligendum quod fuit celebratum anno Christi 416. Mileuitanum verò secundum, quod eodem anno sed paulo post Vtrumque horum bene probat Baronius Tomo 5. anno illo Domini 416. in princ. Mileuitanum prius fuerat habitum anno Domini 402. quando nondum emerferat Pelagius.

In fine huius capitis, legendum est: *Vbi non ait, Sine me difficilius potestis facere; sed, Sine me nihil potestis facere.* Ita legitur in horum octo capitulorum editione Grauiana, Tomo priore Opusculorum S. Augustini & res ipsa loquitur ita legendum. Eodem modo legitur in ipso Concilio Mileuitano, Tomo 1. Concil.

IN CAPVT XI.

HOC Capite B. Cælestinus Papa (qui solus deinceps vsque ad finem Epistolæ loquitur) diuinæ gratiæ vim & necessitatem probat ex Ecclesiæ precibus ad Deum fufis, & ex gratiarum actione quam illi persoluit.

Exemplo B. Cælestini, possumus nos eos qui de verè efficace Dei gratia tam strigosè philosophantur, requirere & adiurare vt obsecrationum sacerdotalium sacramenta respiciant, quæ in vniuersa catholica Ecclesia vniiformiter celebrantur: vt legem credendi lex statuat supplicandi. Perpendant ergo,

Orationem Canonis præuiam sumptioni corporis Domini, quam sacerdotes quotidie dicunt, illam, Domine Iesu Christe.

Perpendant preces,

Dominicæ sextæ post Epiphaniam.

Secretam sabbati ante Dominicam passionis.

Preces die parasceues.

Domin. 3. 4. 5. post Pasca.

Domin. intra octauam Ascensionis.

Domin. post Pentecosten 3. 5. 6. 9. 13. 18. 22.

Collectam de virgine martyre, Deus qui.

Collectam Deus omnium fidelium pastor & rector, quæ est pro Papa.

Et in primis Orationem Dominicam, vt monet S. Aug. de gratia Christi, c. 35. 37. 38. 39. 40.

IN CAPVT XII.

HOc capite Pelagianos errores redarguit
 ex ritibus quos vniuersalis Ecclesia cir-
 baptizandos, obseruat; tanquam ex euiden-
 te testimonio. Deinde concludit totam hanc
 ad Episcopi Tuentij scripta Responfionem at-
 que Definitionem.

QVIBVS *ab initio fidei, attenditur*) attenditur dix-
 it, pro incumbitur, inuigilatur; impersonali-
 ter. Ita sumitur verbum attendendi, in illa A-
 postoli sententia; *dum venio, attende lectioni, ex-*
hortationi & doctrinae In priore ad Timoth. c. 4.
 In Tomo 1. Chrysostomi est Homilia de Adam
 & Eua, sub cuius finem ad verbum resumuntur
 quæ sunt in hac epistola hic cap. 11. 12. 13. vbi
 sic legitur, quibus ab initio fidei *ad Deum tendi-*
tur, Deum prof.

IN CAPVT XIII.

INCURRENTIVM *questionum*) In Tomo 1.
 Concil. & in Collectione Sichardi, pro in-
 currentium, legitur occurrentium.

QVAS *latius pertractarunt*) Quas, partes scili-
 cet profundiores difficilioresque occurrentiũ
 questionum.

SICVT *non audemus contemnere*) Obserua;
 lector, modestiam sanctissimi & doctissimi Pon-
 tificis Cælestini: eamque imitare.

ITA *non necesse habemus astruere*) Apostolica
 scilicet

scilicet definitione; quo modo astruximus superiora, nostrorum prædecessorum & nostrorum. Quæ astructio, sequentibus verbis brevissimè iteratur; dum dicitur, *Diuine gratie operi ac dignationi nihil penitus esse subtrahendum*: & dum ait Pontifex, *se prorsus non opinari catholicum, quod apparuerit præfixis sententijs esse contrarium*.

Durante Concilio Ephesino sub S. Cælestino Papa, quid Nestoriani sub nomine Synodi fecerint pro restituendo Pelagianismo, vide Baronium Tomo 5. anno Christi 431. pag. 589. & sequentibus.

IN EPISTOLAM B. LEONIS 84. ALIAS 86.

Photius in Bibliotheca, postquam dixisset, hæresim Pelagianam sæpe extinctam, sub Leone Pontifice iterum pullulantem, prorsus fuisse deletam eo adhuc viuentem, idque opera sancti Prosperi: addit hæc; *Scriptis & sanctus Leo Romanus Episcopus de Pelagianis, quo modo debeant recipi quando conuertuntur: scriptis suam opinionem damnantes*. Quibus ille verbis hanc beati Leonis Epistolam haud dubiè designat; eiusque argumentum summatim exponit.

Sed insuper continet hæc epistola acrem Episcoporum repræhensionem, qui Pelagianos in communionem receperant, non præuia abrenunciatione erroris; ac versutiam istius sectæ ob oculos ponit.

CAP.

CAPVT II.

OMniaque decreta synodalia quæ, ad excisionem hæreseos, Apostolicæ sedis confirmavit auctoritas, amplecti se, & in omnibus approbare, planis & apertis, ac propria manu subscriptis protestationibus, eloquantur. Loquitur de his quæ in diuersis Africæ Concilijs, & in Synodo his anteriore Diopsolitana Palesthinæ prouinciæ, fuerant contra Pelagium & Cœlestium definita: & ab Innocentio primo, Zosimo, Bonifacio, Cælestino, Xisto tertio, suis prædecessoribus probata & confirmata. De quibus, bona ex parte, in superioribus annotationibus, inque B. Cælestini epistola, iam dictum est.

Quoniam nouimus hanc istorum esse versutiam.)
 Hæc periodus variè legitur in exemplaribus impressis. Louaniensis impressio anni 1566. ita habet: *Quoniam nouimus hanc istorum esse versutiã, vt in quacunque particula dogmatis execrandi, quæ se à damnatorum societate discreuerint, nihil sibi sensu suorum existiment esse non saluum.* Eodem modo legitur in Tomo 2. Concil. editionis Venetæ, excepto quòd pro istis verbis, *qua se à damnatorum societate discreuerint*; habeat, *quam à damnandorum societate discreuerint.* Collectio verò Sichardi ea in parte non discordat à Louaniensi editione; sed in commate præcedente omittit illas duas voculas, vt in; hoc modo, *Quoniam nouimus hanc istorum esse versutiam, quæcunque particula dogmatis execrandi, &c.*

QVA

QVA varietate considerata; nobis, simul perpendicularibus quid proxime præcedat, quid proxime sequatur: videtur S. Leo totam hanc periodum scripsisse hoc pacto: *Nihil in verbis eorum obscurum, nihil inueniatur ambiguum: quoniam inuenimus hanc istorum esse versutiam, ut in quacunque particula dogmatis execrandi se à damnatorum societate discreuerint: nihil sibi sensuum suorum existiment esse non saluum.*

Quid velit S. Leo, utcumque intelligitur: & magis etiam perspicitur ex proxime sequente periodo, ista:

Cumque omnes definitiones suas, ad subreptendi facilitatem, improbare se simulent atque deponere: hoc sibi tota arte fallendi, nisi intelligantur, excipiunt, ut gratia Dei secundum merita dari accipientium, sentiantur. Sic enim tota sententia legitur in Tomo 2. Concil. planè aperta: cum Sichardi Collectio pro illo subreptendi habeat tantam: Louanienfis editio, subreptem: virumque vitiosè. Sensus igitur est, In quacunque particula dogmatis execrandi se à damnatorum societate discreuerint, verbis condemnando quemcunque ex suis articulis; nihil sibi sensuum s. e. esse non saluum. Habetur ea explicatio ex verbis proximè sequentibus, & ex B. Prospero contra Csl. in fine.

CAPVT. III.

STATIM postea, *Non ex operibus bonis ne forte &c. ILLUD bonis, sicut abest ab Apostoli verbis!*

bis, sic & à Tomo 2. Concil. & à Collectione Sichardi: additur autem in verbis proximè sequentibus: *Creati in Christo Iesu in operibus bonis, &c.*

Sequentes dux periodi, in magna exemplariorum varietate, sic legatur: *Omnis itaque bonorum operum deuotio, diuina preparatio est: nec propria quicquam iustificatur virtute: quoniam gratia unicuique principium iustitiæ, & bonorum fons atque origo meritorum est. Sed ab istis ideo per naturalem industriam dicitur præueniri: ut, quæ ante gratiam proprio clara sit studio, nullo videatur peccati originalis vulnere sauciata. Illud deuotio, est in collectione Sichardi. Illud Preparatio, est trium codicum: Louanienfis, Veneri, Sichardi. Quod deinde sequitur usque ad finem prioris periodi, est Louanienfis & Sichardi. in posteriore periodo illud præueniri, est Louanienfis editionis: suppositum autem verbi dicitur, subauditur, nempe gratia Illud quæ, est Sichardi: subintelligitur verò natura, ex præcedente sententia. Ante gratiam; est Veneri impressionis & codicum indicatorum per Louanienfes in margine. Clara, est eiusdem, atque etiam Sichardi.*

IN CAPVT IIII.

Parentum quoque peccatis. quæ hic dicit B. Leo ea sumpsit ex S. Augustino cap. 46. Enchir. vide Estium in 2. sent. dist. 33. § 2. Et B. Thomam 1. sec. q. 81. art. 2. S. Aug. negatiuè respondet De pecc. mer. 1, 15. in fine.

I N

CAVENDVM ergo dilectioni tue.) Conclusio
est Epistolæ, & in fine nouo argumento
ea corroboratur: ibi, *Non autem dubitet dilectio*
ta, & quæ sequuntur. Vnde capitulum vnum in
suam Decretorum collectionem retulit Gra-
tian. dist. 86. Inferiorum culpæ. Legitur ea-
dem ijsdem verbis sententia apud eundem
Leonem Epist. 3. in fine.

IN CANONES CONCILII

ARAVSICANI SECVNDI.

IN 2. Tomo Cnsciliorum, & in Louanienfi
Opusculorum S. Augustini impressione, erat
talis titulus; *Canones Concilij alterius Arausicani,*
circa tempora Leonis Papa primi. At Baronius To-
mo 6. Annal. anno Christi 463. & *Hoc eodem anno*
celebrata est &c. ponit hoc Concilium sub Hila-
ro Papa, qui S. Leoni proximè successit. postea
idem, re omni pensiculatiùs expensa, in addi-
tionibus quas Tomo 10. subnexuit, illud ponit
sub S. Felice Papa quarto, celebratum anno
Christi quingentesimo vigesimo nono.

Id quod omnino tenendum est: quum ido-
neis confirmetur argumentis. Quorum pri-
mum ducitur ex subscriptione primi Episcopi
eorum qui huic Concilio interfuerunt, Cæsa-
rij; in qua dicitur eam factam quinto nonas
Iulij, Decio iuniore viro Clarissimo Consule.
est autem annus Domini quem diximus, 529.
quo Decius Iunior fuit Consul Occidentalis;
Iustinianus Imper. Consul Orientalis. Cassio-
dorus solummodo illum: Marcellinus hunc

E

duntaxat

duntaxat nominat Consulem: sed ille Occidentis; hic, Orientis intelligendus est nominasse. Alterum argumentum, ex ipso Cæsario est, qui primus hic subscribit, ille nimirum Arelatensis Episcopus, sanctitate celeberrimus, Metropolitani provinciae suae. Nam ipsum floruisse post annum Domini quingentesimum, liquet ex varijs Gallicanis synodis quibus subscripsit; liquet ex diversis illius temporis literatis viris, qui ad ipsum aut de ipso scripserunt; liquet item ex ipsius vita per discipulum Cyprianum fideliter scripta. Confer Baron. in Notis ad Martyrol. Romanum die 27. Augusti. Nam is est B. Cæsarii huius dies natalitius. Tertium argumentum est ex subscriptione Liberij, viri patritij & Praefecti praetorio Galliarum; cuius est mentio etiam initio capituli primi, qui in ciuitate Arausica Basilicam construxerat. Constat autem istum Liberium vixisse post annum Domini quingentesimum; ex Cassiodoro Lib. 2. Epist. 15. Lib. 8. Epist. 6. & ex epistolis Ennodij Ticinensis 274. & 284. ad hunc eundem Liberium. Liqueat porro Ennodium praefuisse Ecclesiae Ticinensi tempore Hormisdæ Pontificis, à quo semel iterumque missus est Constantinopolim ad Anastasium Imp. Quartum argumentum ducitur ex aliorum Episcoporum nominibus qui huic Synodo subscripserunt: quorum nonnulli alij etiam Synodis Gallicanis, post annum Domini quingentesimum celebratis, interfuerunt; ut ex subscriptionibus constat: veluti Vasensi secundæ, & Carpentoracensi atque Epaunensi. Ex quibus omnibus simul iunctis manifestum est hanc

secun-

secundam Arausicanam synodum esse habitam post annum Christi Domini quingentesimum, & quidem anno, ut dictum est, quingentesimo vigesimo nono: ac proinde tempore Felicis Papæ quarti. Nam creatus Pontifex anno Christi 526. mense Iulio, decessit vir sanctus anno 530. mense Octobri.

Quod autem huic Concilio subscribit Eucherius Episcopus; non est is Eucherius senior, sed iunior; vterque Episcopus Lugdunensis: ut bene probat Baronius loco proximè citando. Vbi & illud docet de Prospero, qui Vassensi secundo & Carpentoraetensi Concilijs subscripsit; diuersum omnino fuisse à S. Prospero Regiensi Episcopo.

Quoniam verò ex cap. i. huius Concilij manifestum est Canones qui hic recitantur, non fuisse ab ipso Concilio compositos; sed ab Apostolica sede transmissos, istic duntaxat publicatos & Episcoporum manibus subsignatos: ideo huic Canonum collectioni eum titulum dedimus, quem vides Lector: veritate ita postulante. Conferantur quæ dicit Baronius in Additionibus subnexis Tomo 10. illic ubi videbis notari Tomo 7. anno 529.

Quod de tempore huius Concilij diximus, & ex Baronio probauimus: illuc tibi valere debet, cordate Lector, ut intelligas, factionem totam Massiliensium & similium, hic à sede Apostolicarite esse condemnatam: quoniam hoc tempore iam omnia sua mysteria illi factiosi, alij atque alij, protulerant; ut conqueri non

potuerint sese per hos Canones illegitimè dānari quod non sufficienter fuissent auditi & intellecti. Fuerant enim iam pridem intellecti, melius fortasse quàm voluissent, eiusmodi homines; qui suos errores principio verbis ambiguus solebant efferre inter Catholicos, vt ad effugium semper diuerticulum aliquod haberent paratum. Id quod ex sancti Leonis superiore Epistola liquet; & ex varijs locis S. Augustini, aliorumque, qui aduersus Pelagianos & eorum reliquias scripserunt.

Est operæ precium, ex eodem quem proximè citauimus Baronij loco, annotare quæ is de patribus huius Concilij Arausicani, ac de canonibus eiusdem, ita loquutus est: Recitant capita in Gallias ab ipso Romano Pontifice missa: profitentes ea cuncta haud recentem esse Ecclesiæ doctrinam, sed antiquorum Patrum definitionem, eandemque Apostolicæ sedis auctoritate firmatam: quæ Apostolica sedes (vt suis locis superius est declaratum) S. Augustini se professa est de gratia & libero arbitrio probare sententiam. Nihil ergo præterea nouitas sibi vendicet & præsumptio humana præsumat. Quot igitur Arausicani Canones, tot sunt Catholica Ecclesiæ stabilitæ sententiæ: à quibus absque præuaricationis piaculo haud liceat fidei recedere. Ita Baronius. Et quamuis ille taceret: quis Catholicus ignorat fuisse acquiescendum Sedis Apostolicæ definitionibus: quicquid tandem artificiosis vijs & plausibilibus argutijs obtruderent nouatores?

AD Canonem 20. *Quæ non Deus præstet vt faciat homo.* In S. Augustino, loco ad marginem annotato, legitur sic: *quæ non Deus facit vt faciat homo.*

AD 23. Prior pars huius canonis sumitur ex S. Aug. Tract. 19. in Ioan. ad fin. In posteriore sententiæ parte variant codices. In Impressione horû canonum Louaniensi ita legitur, *Quâuis volentes agant quod agunt: illius tamen voluntas est, à quo preparatur; & iubetur quod volunt.* Eodẽ modo legit Impressio Operum B. Augustini Antuerpiensis, Tomo 7.

SENSVM ea lectio facit hunc: Illius tamen, vt principalis authoris, est ea actualis voluntas, a quo ipsa paratur, gignitur, efficitur tanquam a præeunte & principaliter mouente (nempe, ipsius Domini, iuxta dictum Salomonis Proverb. 8. fin. secundum 70.) & a quo eodem iubetur illud quod isti sic volunt.

VENETA impressio Tomo 2. Conciliorum, pro *illius*, habet *illorum*, sensu minus commodo; & pro *iubetur*, ponit *obitur*: quod posterius hic typographus nō male sequutus est q. d. & a quo re ipsa exercetur, in actum deducitur id quod isti volunt. Summa est; Dei priores & longe primarias esse partes efficiendi, tam ipsam actualem voluntatem boni operis, quàm. eius executionem qua illud bonum opus obitur seu exercetur. Certe, si vera lectio esset, *iubetur*: nemo hoc in *obitur* mutasset. Ac sic) loquitur deinceps suis verbis synodus, vt ex his patet quæ proxime præcedūt ipsas subscriptiones, & ex ipsis.

IN

IN DECRETA SYNODI VALENTINÆ

GALLIÆ Valentiam esse in qua hæc Synodus sit celebrata, manifestū est ex subscriptionibus Episcoporum: sed quod in Tomo 3. Conciliorum ponitur habita sub Benedicto Papa 3. id lapsu quodam ita positum est. Cum enim habita sit anno Christi 855. mense Ianuario; ac Leo, quartus pontifex eius nominis, defunctus sit die 17. mensis Iulij hoc eodem anno: pater habitam sub Leone 4 non sub Benedicto 3. eius successore.

IN CAPVT IIII.

Porro capitula quatuor quæ Concilio fratrum nostrorum, &c. Omnino apparet improbari quatuor capitula synodi Moguntinæ, habitæ anno Domini 848. sub Rabano: cui tametsi Hincmarus Remensis Archiepiscopus non videatur interfuisse, ex his quæ habet in epistola ad Nicolaum primum, recitata per Baronium anno Christi 848. tamē ipse ea se declarat probare, tanquam eorum excerptor & collector; in epistola ad Carolum caluum Francorum Regem, paulo post inirium; quæ extat apud Flodoardum histor. Remensis lib 3. c. 15. & eodem loco pollicetur illorum capitulorum siue defensionem siue explicationem. Idem paulo post, eodem capite valde laudat B. Augustini doctrinam, & B. Cælestini ac S. Prosperi labores in ea defēdēda, etiā in materia de auxilijs: ut quando toties repetit hæresim Prædestinarianorum, nullo modo queamus intelligere S. Augustini doctrinam de diuina gratia diuinā-
que

que prædestinatione illic improbari.

Sed & alia nouendecim, syllogismis ineptissimè conclusa. De his idem Hincmarus in eadem ad Carolum Regem epistola, paulo post initium, ait quod de illis nouendecim capitulis nihil viderat, nihil audierat, nisi paulo antequam hæc Regi scriberet: quorum (ait) Capitulorum auctorem neque ibi annotatū inuenimus, neque cum multū quæserimus, inuenire valuimus.

Ceterum, Hincmarus iste, Deo deferente, quantum sese postea extulerit aduersus sedem Apostolicam; videre est apud Baronium Tomo 10. anno Christi 863. pag. 262. & sequent.

IN CAPVT V.

EX ipsa tamen multitudine.) Etiam reprobos, illos qui fuerunt iustificati, fuisse redemptos, clarè B. Petrus 2. epist. c. 2. in princ.

IN CAPVT VI.

I Neptas quæstiunculas & aniles pene fabulas Scotorum.) Quorum Scotorum & qualium, hic mentionem velit facere Synodus, non valde liquet. Constat multos pios viros ex Scotia, Anglia, Hibernia olim in Gallias, in Belgium, in Germaniam peregrinatos esse, ibique fixa sede, Catholicam religionem ac morum Christianorum sinceritatem vel plantasse, vel corroborasse vel propagasse. Constat item Scotis fuisse complura monasteria erecta, dicta idcirco à scriptoribus mediæ ætatis Monasteria Scotorum. Quorum in Germania vndecim cōmemorat Aubertus Miræus in suis Fastis Belgicis & Burgundicis, diē 1. Octobris, in S. Wainulfo:

ex quibus etiam hodie tria à Scotis possideri tradit; Ratisponę, Erfordię & Herbipoli. Constat Scotorum Monasteriũ fuisse Fossis in Diœcesi Leodiensi, vbi iam olim est Collegium Canonorum quos vocant sæculares. Idem Miræus ibidem tradit fuisse in Italia Bobiense Scotorum Monasterium.

Porro illa Monasteria Scoti multos annos incoluerunt, quousque à pristino feruore tepescerent, & in omnem dissolutionem remissi, expulsi sunt, ait Trithemius in Chronico Hirsaugię, Abbate septimo.

Intellige autem, esse excipienda illa tria Monasteria quę Miræus commemorat etiam nunc à Scotis possideri.

Quod verò Synodus Valentina hoc cap. 6. de ineptis quæstiunculis & anilibus pene fabulis Scotorum dicit, quid sibi velit, vix possumus coniectare: nisi quod Baronius Tomo 10. anno Christi 855. in princ. tradit fuisse tunc Scotos quosdam, homines vagos, qui de prædestinatione & præscientia Dei, de gratia item & libero arbitrio, prauas opinioniones in vulgus spargere laborabant, ex quibus Catholica doctrina corrumperetur. His occurrentes Episcopos trium Gallicarum Prouinciarum, Synodũ istã cõgregasse, ac in nouitatẽ vltiores exsurrexisse.

Sunt digna laude quę de istorum Scotorum maioribus, qui suis sumptibus hospitales domos in Gallia extruxerant, tradit idẽ Baronius eodẽ Tomo 10. anno Christi 845. pag. 33. c. 34. 2.

Finis Annotationum.



BIBLIOTECA

CV

N.